





元氏長慶集卷第九

傷悼詩

夜間

此後並悼亡

感極都無夢。寤銷轉易驚。風簾半鈎落。秋月滿床明。悵望臨階坐。沉吟遶樹行。孤琴在幽匣。時迸斷絃聲。

感小株夜合

纖幹未盈把。高條纔過眉。不禁風苦動。偏受露先萎。不分秋同盡。深嗟小使衰。傷心落殘葉。猶識合昏期。

醉醒

積善坊中前度飲。謝家諸婢笑扶行。今宵還似當時醉。

元集 卷九
半夜覺來聞哭聲

追昔遊

謝傳堂前音樂和。狗兒吹笛膽娘歌。花園欲盛千場飲。水閣初成百度過。醉摘櫻桃投小玉。懶梳叢鬢舞曹婆。再來門館唯相弔。風落秋池紅葉多。

空屋題

十月十四日夜

朝從空屋裏騎馬入空臺。盡日推閒事。還歸空屋來。月明穿暗隙。燈燼落殘灰。更想咸陽道。羸車昨夜回。

初寒夜寄盧子蒙子蒙近亦喪妻

月是陰秋鏡。寒為寂寞資。輕寒酒醒後。斜月枕前時。倚

壁思閒事。回燈檢舊詩。聞君亦同病。終夜遠相悲。

城外回謝子蒙見諭

十里撫稚別。一身騎馬回。寒煙半堂影。燼火滿庭灰。稚女憑人問。病夫空自哀。潘安寄新詠。仍是夜深來。

諭子蒙

撫稚君休感。無兒我不傷。片雲離岫遠。雙鷺念巢忙。大壑誰非水。華星各自光。但令長有酒。何必謝家莊。

遣悲懷三首

謝公最小偏憐女。自嫁黔婁百事乖。顧我無衣搜盡篋。泥他沽酒拔金釵。野蔬充膳甘長藿。落葉添薪仰古

清此覺安仁
迷哀乃無情
之文也

愧今日俸錢過十萬與君營奠復營齋
昔日戲言身後意今朝皆到眼前來
衣裳已施行看盡針線猶存未忍開
尚想舊情憐婢僕也曾因夢送錢財
誠知此恨人人有貧賤夫妻百事哀
閒坐悲君亦自悲百年都是幾多時
鄧攸無子尋知命潘岳悼亡猶費詞
同穴窅冥何所望他生緣會更難期
唯將終夜長開眼報答平生未展眉

旅眠

內外都無隔帷幙不復張
夜眠兼客坐同在火爐牀

除夜

憶昔歲除夜見君花燭前
今宵祝文上重疊敘新年
閒處低聲哭空堂背月眠
傷心小兒女撩亂火堆邊

感夢

行吟坐歎知何極影絕竟銷動
隔年今夜商山館中夢
分明同在後堂前

合衣寢

良夕背燈坐方成合衣寢
酒醉夜未闌幾回顛倒枕

竹簟

竹簟襯重茵未忍都令卷
憶昨初來日看君自施展
聽庾及之彈烏夜啼引

君彈烏夜啼。我傳樂府解去聲古題。良人在獄妻在閨。官

家欲赦烏報妻。烏前再拜淚如雨。烏作哀聲妻暗語。後

人寫出烏啼引。吳調哀絃聲楚楚。四五年前作拾遺。諫

書不密丞相知。謫官詔下吏驅遣。身作囚拘妻在遠。歸

來相見淚如珠。唯說閒宵長拜烏。君來到舍是烏力。粧

點烏盤邀女巫。今君為我千萬彈。烏啼啄啄淚瀾瀾。感

君此曲有深意。昨日烏啼桐葉墜。當時為我賽烏人。死

葬咸陽原上地。

夢井

夢上高高原。原上有深井。登高意枯渴。願見深泉冷。徘徊

徊遶井顧。自照泉中影。沉浮落井瓶。井上無懸綆。念此

瓶欲沉。荒忙為求請。遍入原上村。村空犬仍猛。還來遶

井哭。哭聲通復哽。哽噎夢忽驚。覺來房舍靜。燈焰碧。隴

隴淚光凝。冢冢鍾聲夜方半。坐臥心難整。忽憶咸陽原。

荒田萬餘頃。土厚墻亦深。埋冤在深塹。塹深安可越。冤

通有時遲。今宵泉下人。化作瓶相憬。感此涕沈瀾。沈瀾

涕霑領。所傷覺夢間。便覺死生境。豈無同穴期。生期諒

綿永。又恐前後冤。安能兩知省。尋環意無極。坐見天將

暝。吟此夢井詩。春朝好光景。

江陵夢三首

平生每相夢。不省兩相知。况乃幽明隔。夢竟徒爾爲。情
知夢無益。非夢見何期。今夕亦何夕。夢君相見時。依稀
舊粧服。晻淡昔容儀。不道間生死。但言將別離。分張碎
針線。禱音疊故幘幘。撫稚再三囑。淚珠千萬垂。囑云唯
此女自歎。總無兒尚念。嬌且駛。未禁寒與饑。君復不憐
事。奉身猶脫遺。况有官縛束。安能長顧私。他人生間別
婢僕多。謾欺君在。或有託出門。當付誰。言罷泣幽噎。我
亦涕淋漓。驚悲忽然寤。坐臥若狂癡。月影半牀黑。蟲聲
幽草移。心魂生次第。覺夢久自疑。寂默深想像。淚下如
流澌。百年永已訣。一夢何太悲。悲君所嬌女。棄置不我

隨長安遠於日。山川雲間去聲之。縱我生羽翼。網羅生繫
維。今宵淚零落。半爲生別滋。感君下泉魄。動我臨川思。
一水不可越。黃泉况無涯。音宜此懷何由極。此夢何由追。
坐見天欲曙。江風吟樹枝。

古原三丈穴。深葬一枝瓊。崩剝山門壞。煙綿墳草生。久
依荒隴坐。却望遠村行。驚覺滿牀月。風波江上聲。
君骨久爲土。我心長似灰。百年何處盡。三夜夢中來。逝
水良已矣。行雲安在哉。坐看朝日出。衆鳥雙徘徊。

張舊蚊疇

踰年間生死。千里曠南北。家居無見期。况乃異鄉國。破

盡裁縫衣。忘收遺翰墨。獨有纈紗幘。憑人遠携得。施張
合歡榻。展卷雙鴛翼。已矣長空虛。依然舊顏色。徘徊將
就寢。徒倚情何極。昔透香田田。今無覓惻惻。隙穿斜月
照。燈背空牀黑。達理強開懷。夢啼還過臆。平生貧寡歡。
天枉勞苦憶。我亦詎幾時。胡爲自摧逼。燭蛾焰中舞。蠶
蠶叢上織。焦爛各自求。他人顧何力。多離因苟合。惡影
當務息。往事勿復言。將來幸前識。

獨夜傷懷贈呈張侍御

張生近喪妻

燼火孤星滅。殘燈寸焰明。竹風吹面冷。簷雪墜階聲。寡
鶴連天叫。寒雞徹夜驚。祇應張侍御。潛會我心情。

六年春遣懷八首

傷禽我是籠中鶴。沉劍君爲泉下龍。重纊猶存孤枕在。
春衫無復舊裁縫。

檢得舊書三四紙。高低闊狹想成行。自言併食尋高事。
唯念山深驛路長。

公無渡河

樂府題

音響絕已隔前春。復去秋今日閒。窻拂

塵土。殘絃猶迸細箜篌。

婢僕矚君餘服用。嬌癡稚女遶牀行。玉梳鈿朶香膠解。
盡日風吹瑇瑁箏。

伴客銷愁長日飲。偶然乘興便醺醺。怪來醒後傷人泣。

醉裏時時錯問君

我隨楚澤波中水君作咸陽泉下泥。百事無心值寒食。

身將稚女帳前啼

童稚癡狂撩亂走。繡毬花仗滿堂前。病身一到總帷下。

還向臨階背日眠

小於潘岳頭先白。學取莊周淚莫多。止竟悲君須自省。

川流前後各風波

答友封冕贈

荀令香銷潘篋空。悼亡詩滿舊屏風。扶牀小女君先識。應為些些似外翁。

夢成之

燭暗船風獨夢驚。夢君頻問向南行。覺來不語到明坐。一夜洞庭湖水聲。

哭小女降真

雨點輕漚風復驚。偶來何事去何情。浮生未到無生地。暫到人間又一生。

哭女樊

秋天淨綠月分明。何事已猿不勝。鳴應是一聲腸斷去。不容啼到第三聲。

哭女樊四十韻

魏州長史時作

逝者何由見中人未達情馬無生角望猿有斷腸鳴去
伴投遐徼來隨夢險程四年巴養育萬里硤回縈病是
他鄉染菟應遠處驚山魑邪亂逼沙虱毒潛嬰母約看
寧辨余慵療不精欲尋方次第俄值疾充盈燈火徒相
守香花抵浪擎蓮初開月梵薜已落朝榮魄散菟將盡
形全玉尚瑩空垂兩行血深送一枝瓊秘祝休巫覡安
眠放使令舊衣和篋施殘藥滿甌傾乳媪閒於社醫僧
媿音倪似醒憫渠身覺賸訝佛力難爭騎竹癡猶子牽車
小外甥等閒迷過影遙戲誤啼聲浣紙傷餘晝扶牀念
試行獨留呵面鏡誰弄倚牆箏憶昨工言語憐初妙長

成撩風妬鸚舌凌露觸蘭英翠鳳輿真女紅渠捧化生

祇憂嫌五濁終恐向三清宿惡諸葷味懸知衆物名生而

不食葷血虎豹豺獾等皮毛盡惡斥之巴環從枯樹得

經認寶函盛愠怒偏憎數分張雅愛平最憐貪粟妹頻

救懶書兄爲占嬌饒分良多眷戀誠別常回面泣歸定

出門迎解怪還家晚長將遠信呈說人偷罪過要我抱

縱橫騰躡遊江舫攀緣看樂棚和蠻歌字拗反學妓

舞腰輕迢遰離荒服持携到近京未容誘伎倆唯恨枉

聰明往緒心千結新絲鬢百莖暗窻風報曉秋幌雨聞

更敗槿蕭疎館衰楊破壞城此中臨老淚仍自哭孩嬰

哭子十首 翰林學士時作

維鵜受刺因吾過得馬生災念爾寃獨在中庭倚閒樹
亂蟬嘶噪欲黃昏

纔能辨別東西位未解分明管帶身自食自眠猶未得
九重泉路託何人

爾母溺情連夜哭我身因事有時悲鍾聲欲絕東方動
便是尋常上學時

蓮花上品生真界兜率天中離世途彼此業緣多障礙
不知還得見兒無

節量音良梨栗愁生疾教示詩書望早成鞭朴校多憐校

少又緣遺恨哭三聲

深嗟爾更無兄弟自歎予應絕子孫寂寞講堂基址在
何人車馬入高門

往年鬢已同潘岳垂老年教平作聲鄧攸煩惱數中除一
事自茲無復子孫憂

長年苦境知何限豈得因兒獨喪剛消遣又來緣爾母
夜深和淚有經聲

烏生八子今無七猿叫三聲月正孤寂寞空堂天欲曙
拂簾雙鷺引新雛

頻頻子落長江水夜夜巢邊舊處棲若是愁腸終不斷

元集 卷九
一年添得一聲啼

感逝 浙東

頭白夫妻分去聲無子誰令蘭夢感哀翁三聲啼婦臥牀
上一寸斷腸埋土中。蝟甲暗枯秋葉墜。鸞雛新去夜巢
空。情知此恨人皆有。應與暮年心不同。

妻滿月日相唁

十月辛勤一月悲。今朝相見淚淋漓。在花落盡莫惆悵。
猶勝因花壓折枝。

元氏長慶集卷第九

元氏長慶集卷第十

律詩

代曲江老人百韻 年十六時作

何事花前泣。曾逢舊日春。先皇初在鎬。賤子正游秦。撥
亂干戈後。經文禮樂辰。徽章懸象魏。貔虎畫麒麟。光武
休言戰。唐堯念睦姻。琳瑯鋪柱礎。葛藟茂河漣。尚齒惇
耆艾。搜材拔積薪。裴王持藻鏡。姚宋幹陶鈞。內史稱張
敞。蒼生借寇恂。名卿唯講德。命士耻憂貧。杞梓無遭用。
芻蕘不忘去聲詢。懸金收逸驥。鼓瑟薦嘉賓。羽翼皆隨鳳。
瑜璉肯稱去聲珉。班行容濟濟。文質道彬彬。百度依皇極。

千門闢紫宸理刑非苟簡稽古蹈因循書謬偏求伏詩
 亡遠聽申繼黜推三彪賈羣擢八龍荀海外恩方洽寰中
 教不泯儒林一同異冠履盡清淳天淨三光麗時和四
 序均卑官休力役賤職少艱辛蠻貊同車軌鄉原盡里
 仁帝途高蕩蕩風俗厚諄諄秋日耕耘足豐年雨露頻
 成煙生不見村豎老猶純耒耜勤千畝牲牢奉六禋南
 郊禮天地東野闢原疇音校獵求初吉先農卜上寅萬
 方來合雜五色瑞輪囷池籞呈朱雁壇場得白麟酌金
 光照耀奠璧綵璘玢音寶掉湯雲門發踴躍鷺羽振集靈
 撞玉磬和鼓奏金罇建簾崇牙盛銜鐘獸目嗔總干形

屹崒憂敵背嶙峋文物干官會夷音九部陳魚龍華外
 戲歌舞洛中嬪佳節修醑禮非時宴侍臣梨園明月夜
 花萼豔陽晨李杜詩篇敵蘇張筆力勻樂章輕鮑照碑
 板笑顏竣秦嶽陪封禪汾陰頌鬼神星移逐西顧風煖
 助東巡浴德留湯谷蒐田改過渭濱沸天雷殷殷於謹切
 地轂麟麟沃土心逾熾豪家禮漸湮老農羞荷鍤貪賈
 學垂紳曲藝爭工巧彫機變組紉音循說文圓采條青
 鳧音連不解紅粟朽相因山澤長擎貨梯航競獻珍翠
 毛開越雋音龍眼敞甌閩玉饌薪然蠟椒房燭用銀銅
 山供橫賜金屋貯宜嘖班女恩移趙思王賦感甄輝光

隨顧步生死屬搖脣。世族功勳久。王姬寵愛親。街衢連
 甲第。冠蓋擁朱輪。大道垂珠箔。當爐踏錦茵。軒車隘南
 陌。鐘磬滿西隣。出入張公子。嬌奢石季倫。雞場潛介羽。
 馬埒並揚塵。韜袖誇狐腋。弓弦尚鹿臙。音寅夾脊肉紫條牽
 白犬。錦韉馬鞍覆花駟。箭倒南山虎。鷹擒東郭兔。音翻
 身迎過雁。坐射取迴鶉。竟蓄朱公產。爭藏邴氏緡。橋桃
 矜馬驚。倚頓數金銀。蔬闕冬中韭。羨憐遠處尊。音萬錢
 纔下筋五醢。才細切未稱醇曲水流觴日。倡優醉度旬。
 探丸依郭解。投轄伴陳遵。共謂長安泰。那知遽構屯。奸
 心興桀黠。凶醜比頑嚚。斗柄侵妖彗。天泉化逆鱗。貧恩

歎乃祖連禍及吾民。貳音雨獸名出南海外當前

路鯨鯢得要津。王師方業業。暴卒已瞞瞞。說文兩虎爭聲語中切

雜虜同謀夏。宗周暫去幽。陵園深暮景。霜露下秋旻。鳳

闕悲巢鵬。鷓行亂野麇。音隕華林荒茂草。寒竹碎貞筠。

村落空垣壞。城隍舊井堙。破船沉古渡。戰鬼聚陰燐。振

臂誰相應。攢眉獨不伸。毀容懷赤紱。混跡戴黃巾。木梗

隨波蕩。桃源數隱淪。弟兄書信斷。鷗鷺往來馴。忽遇山

光澈。遙瞻海氣真。祕圖推廢主。後聖合經綸。野杏渾休

植。幽蘭不復紉。但驚心憤憤。誰戀水粼粼。盡室離深洞。

輕撓盪小輪。殷勤題白石。悵望出青蘋。夢寐平生。在經

過處所新阮郎迷里巷遼鶴記城闔音虛過休嗣代旋
為朽病身勞生常矻矻語舊苦諄諄晚歲多衰柳先秋
媿大椿眼前年少客無復昔時人

開元觀閒居酬吳士矩侍御三十韻十八時作

靜習狂心盡幽居道氣添神編啟黃簡祕籙捧朱籤爛

慢煙霞駐優游歲序淹登壇擁旄節趨殿禮胡髯殿有

皇帝醮起彤庭燭香開白玉匳音簾盛香器俗作奩結盟金劔重

斬魅寶刀鈿禹步星網動焚符竈鬼詹方言至也冥搜

呼直使章奏役飛廉仙籍聊憑檢浮名復為占赤誠祈

皓鶴綠髮代青縑虛室常懷素玄關屢引枯音斟貂蟬徒

自寵鷗鷺不相嫌始悟身為患唯欣祿未恬龜龍音滄淮

海雞犬傍閭閻松笠新偏翠山峰遠更尖簫聲吟茂竹

虹影逗虛簷初日先通牖輕颺每透簾露盤朝滴滴鈎

月夜纖纖已得餐霞味應嗤食麥甜上琴閒度晝耽酒

醉銷炎几案隨宜設詩書逐便拈灌園多抱甕刈藿乍

腰鎌野鳥終難繫鷓鴣本易厭平聲風高雲遠逝波駭鯉

深潛邱第過音從隔蓬壺夢寐瞻所希顏頗練誰恨突

無黔思拙慙圭璧詞煩雜米鹽諭雖言太小求藥意何

謙語默君休問行藏我詎兼來詩有問行藏求藥物之句狂歌終此

曲情盡口長箱

病減逢春期白二十二辛大不至十韻

校書郎時作

病與窮陰退。春從血氣生。寒膚漸舒展。陽脉乍虛盈。就日臨階坐。扶牀履地行。問人知面瘦。祝鳥願身輕。風暖牽詩興。時新變賣聲。饑饒看藥忌。閒悶點書名。舊雪依深竹。微和動早萌。推遷悲往事。疎數入聲辯交情。琴待嵇中散。杯思阮步兵。世間除却病。何者不營營。余傾切

黃明府詩并序

小年曾於解縣連月飲酒予常為觥錄事曾於竇少府廳中有一人後至頻犯語令連飛十二觥不勝其困逃席而去醒後問人前虞鄉黃丞也此後絕不復知元和

四年三月予奉使東川十六日至褒城東數里遙望驛亭前有大池樓榭甚盛逡巡有黃明府見迎瞻其形容髮鬢似識問其前銜則固曩時之逃席黃丞也說向前事黃生憫然而寤因饋酒一槽儀舟請予同載予不免其意與之盡歡徧問座隅山川則曰又褒次其右感今懷古作黃明府詩云

少年曾痛飲黃令困飛觥席上當時走馬前今日迎依稀迷姓氏積漸識平生故友身皆遠他鄉眼暫明便邀連榻坐兼共音船行酒思臨風亂霜稜掃地平不看深淺酌貪愴古今情邈迤七盤路坡陀數丈城花凝裊

女笑棧想武侯征一種埋幽石老開千載名

酬翰林白學士代書一百韻

并序。此後不書江陵時作。

玄元氏之下元日會予家居至枉樂天代書詩一百韻

鴻洞卓犖令人興起心情且置別書美予前和七章章

次用本韻韻同意殊謂為工巧前書古韻耳不耳可謂是難之今

復次排百韻以荅懷思之貺云

昔歲俱充賦同年遇有司八人稱迴拔兩郡濫相知同

八人樂天拔萃登科予平判入等逸驥初翻步鞴鷹暫脫羈遠途憂地

窄高視覺天卑並入紅蘭署偏親白玉規近朱憐冉冉

伐木願偲偲魚魯非難識鉛黃自懶持心輕馬融帳謀

奪子房帷秀發幽巖電清澄溢岸陂九霄排直上萬里

整前期勇贈棲鸞句予贈樂天詩云皎彼鸞鳳姿樂天贈予詩慚當古井詩

云無波古井水多聞全受益擇善頗相師脫俗殊常調潛工大

有為還醇憑耐酒運智託圍碁情會招車胤聞行覓戴

逵僧餐月燈閣釀宴劫灰池予與樂天杓直拒非輩多干月燈閣閒遊又嘗與秘

省同官釀宴昆明池勝槩爭先到篇章競出奇輸贏論平破的點

竄肯容絲山岫當街翠墻花拂面枝昔予賦詩云為見墻頭拂面花時唯

樂天知此鷲聲愛嬌小鸞翼翫逶迤轡為逢車緩鞭緣趁伴

施密攜長上樂偷宿靜坊姬僻性慵朝起新晴助晚嬉

相歡常滿目別處鮮開眉翰墨題名盡光陰聽話移樂天

每與予游從無不書名屋壁又嘗於新昌綠袍因醉曲
 宅說一枝花語自寅至己猶未畢詞也
 烏帽送風遺暗揮輕籌箸仍提小屈卮本絃總一舉下
 口已三遲逃席衝門出歸倡借馬騎狂歌繁節亂醉舞
 半衫垂散漫紛長薄邀遮守隘岐幾遭朝士笑兼任卷
 童隨苟務形骸達渾將性命推何曾愛官序不省計家
 資忽悟成虛擲翻然歎未宜使回耽樂事堅赴策賢時
 寢食都忘倦園廬遂絕窺勞神甘感感攻短過孜孜
 怯穿楊箭囊藏透穎錐超遙望雲雨撒落占泉坻略削
 荒涼苑搜求激直詞那能作牛後更擬助鴻基唱第聽
 雞集趨朝忘馬疲內人興御業朝景麗神旗首被呼名

姓多慚冠等衰千官容眷盼五色照離披鵷侶從茲洽
 鷗情轉自縻分張殊品命中外却駟馳出入稱金籍東
 西侍碧墀闕班雲洶湧闔扇雉參差切媿尋常質親瞻
 咫尺姿日輪光照耀龍服瑞歲蕤摠欲通愚謬生憎効
 嗟伊佞存真妾婦諫死是男兒便殿承偏召權臣懼撓
 私廟堂雖稷契城社有狐狸似錦言應巧如絃數易欺
 敢嗟身暫點所恨政與毗謬辱良由此昇騰亦在斯丹
 令陪憲禁依舊履陷危使蜀嘗綿遠分臺更嶮巖匿奸
 勞發掘破黨惡持疑弁及迎皆碎盤牙老未萎乍能還
 帝笏詎忍折吾支虎尾元來險圭文却類疵浮榮碎壤

芥閑氣咏江。龍闕下殷勤。拜樽前。嘯傲辭飄。沉委蓮梗。
忠信。啟蠻夷。戲誚青雲驛。譏題皓髮祠。貪過谷隱寺。留
讀峴山碑。草沒章臺趾。隄橫楚澤湄。野蓮侵稻隴。亞柳
壓城隄。遇物傷凋換。登樓思漫漶。金攢嫩橙子。鑿泛遠
鷓鴣。仰竹藤纏屋。苔茅荻補籬。麪梨通蒂朽。火米帶芒
炊。葦筍鉞筒束。鯁魚箭羽翳。芋羹真底可。鱸膾漫勞思。
北渚銷魂望。南風著骨吹。度梅衣色漬。食稗馬蹄羸。院
權和泥餼。官酤小麪醅。訛音煩繳繞。輕俗醜威儀。赫罕
貞心柏。畦豐衛足葵。坳窪饒壘矮。游惰壓庸緇。病賽烏
稱鬼。巫占瓦代龜。連陰蠅張王。瘴瘡雪醫治。我正窮於

是君寧念及茲。一篇從日下。雙鯉送天涯。坐捧迷前席。
行吟。忘結綦匡床。鋪錯繡几。棠湧靈芝。形影同初合。參
商喻此離。扇因秋棄置。鏡異月盈虧。壯志誠難奪。良辰
豈復追。甯牛終夜永。潘鬢去年衰。溟渤深那測。穹蒼意
在誰。馭方輕駸裏。車肯重辛夷。臥輒希濡沫。低顏受頤
頤。世情焉足怪。自省固堪悲。溷鼠虛求潔。籠禽方訝飢。
猶勝憶黃犬。幸得早圖之。

元氏長慶集卷第十一

律詩

紀懷贈李六戶曹崔二十功曹五十韻

昔冠諸生首初因三道徵公卿碧雞會名姓白麻稱日

月光遙射煙霄志漸弘榮班張錦繡諫路賜牋藤便欲

呈肝膽何言犯股肱為左拾遺推埋衝斗劍清徹瑩音詠

壺冰赤縣纔分務當事者惡公青驄已迴乘謂拜因騎

度海鷗擬殺蔽天鵬縛虎聲空壯連鼉力未勝風翻波

竟感山壓勢逾崩公按獄東川劾節度使嚴礪礪黨怒

還召公僂辱徒相困蒼黃性不能酣歌離峴頂負氣入江

陵為中人仇士良擊華表當蟾蜍高樓挂玉繩角聲悲

掉蕩城影暗稜層軍幕威容盛官曹禮數兢心雖出雲

鶴身尚觸籠鷹疎足良甘分排衙苦未曾通名參將校

抵掌見親朋煦沫求涓滴滄波怯斗升荒居隣鬼魅羸

馬步音陵欲殘音陵欲白草堂簷短黃梅雨氣蒸霑黏經

汗席颯閃盡油燈夜怯餐膚蚋朝煩拂面蠅過從愁厭

賤專靜畏猜仍旅寓誰堪託官聯自可憑甲科崔並驚

柱史李齊昇共展排空翼俱遭激遠矧他鄉元易感同

病轉相矜投分多然諾忘言少愛憎誓將探肺腑耻更

辨淄澠會宿形骸遠論交意氣增一心吞渤澥戮力拔

嵩恒語到磨圭角疑消破弩癢音微吹噓期指掌患難許

檐簷笠有柄者鍛翮鸞棲棘藏鋒箭在弮雪中方覩桂木上

莫施罾且泛魚泂水兼過被病僧有時鞭款段盡日醉

僂音他登躡屐看秧稻敲船和採菱叉魚江火合喚

客谷神應平聲嘯傲雖開口幽憂復滿膺望雲鰭撥刺透

匣色騰凌每想潢池寇猶稽赤族懲夔龍勞筭畫貔虎

帶威稜逐鳥忠潛奮懸旌意遠凝彀弓思徹札絆驥悶

牽繩運甓調辛苦聞雞屢寢興閒隨人兀兀夢聽鼓鼙

鏖他勝反班筆行看擲黃陂莫漫澄騏驎高閣上須及壯

時登

元集

卷十一

二

元集 卷十一
荅姨兄胡靈之見寄五十韻 并序

九歲解賦詩飲酒至斗餘乃醉時方依倚舅族公舅族榮陽鄭

氏舅憐不以禮數檢故得與姨兄胡靈之之輩十數人

為晝夜遊日月跳擲於今餘二十年矣其間悲歡合散

可勝道哉昨枉是篇感徹肌骨適白翰林又以百韻見

贈余因次酬本韻以荅貫珠之贈焉於吾兄不敢變例

復自城至生凡次五十一字靈之本題兼呈李六侍御

是以篇末有云

憶昔鳳翔城韶年是事榮理家煩伯舅相宅盡茲引反吾

兄詩律蒙親授朋游忝自迎題頭筠管縵教射角弓驛

靈之善筆札習騎射矮馬馳髮髻音犂牛獸面纓對談依赳赳上聲

送客步盈盈米椀諸賢讓蠡杯大戶傾一船席外語三

楫拍心精博盞加分數橫波擲目成華奴歌泚泚媚子

舞卿卿軍大夫張生好屬詞多妓樂歌者華奴善歌泚泚媚子善觥又有舞者媚子善觥令禁言張生常令綱

純關設狂為好誰憂飲敗名屠過音隱朱亥樓夢古秦

羸環坐唯便平聲草投盤暫廢觥春郊纔爛熳夕鼓已砰

轟荏苒移灰琯喧闐勸塞兵糟漿聞漸足書劒訝無成

抵壁慙虛棄彈珠覺用輕遂籠雲際鶴來狎谷中鸞學

問攻方苦篇章興太清囊疎螢易透錐鈍股多坑隔筆

陣戈矛合文房棟桷撐豆萁才敏雋羽獵正崢嶸岐下

尋時別京師觸處行醉眠街北廟閒遶宅南管予宅在靖安北

街靈之時寓居永樂南街廟中予宅又南隣弩營柳愛凌寒軟梅憐上番上聲驚

觀松青黛笠欄藥紫霞英開元觀古松五株靖安宅壯丹數本皆曩時遊行之地

盡日聽僧講通宵詠月明正耽幽趨樂旋被宦途縈吏

晉資材枉留秦歲序更時靈之作吏平陽予酬校秘閣自茲分散我鬢音鬢

音伊青數寸君髮白千莖芸閣懷鈞暇姑峯帶雪晴何

由身倚玉空睹翰飛瓊渠管切世道難於劔讒言巧似笙

但憎心可轉不解跼如擊始効神羊觸俄隨旅雁征孤

芳安可駐五鼎幾時烹潦倒沉泥滓歌危踐矯衡登樓

王粲望落帽孟嘉情龍山落帽臺去府城二十里巫峽連天水章臺

塞路荆章華臺去府十里雨摧漁火焰風引士六聲竹枝聲去作

屯之蹇那知困亦亨官曹三語掾國器萬尋楨此後多述李君

定交之由用報靈之兼呈之意逸傑雄姿迴皇王雅論評蕙依潛可習

雲合定誰令原燎逢冰井鴻流值木營智囊推有在勇

爵敢徒爭迅拔看鵬舉高音侍鶴鳴所期人拭目焉肯

自佯盲鈇鈍丁寧淬蕪荒展轉耕窮通須豹變櫻搏笑

狼獾音能媿捧芝蘭贈還披肺腑呈此生如未死未擬變

平生一本云今日負平生

酬許五康佐次用本韻

奮迅君何晚羈離我詎儔鶴籠閒警露鷹縛悶牽鞵蓬

閣深沉省荆門遠慢州課書同吏職旅宦各鄉愁白日
傷心過滄江滿眼流嘶風悲代馬喘月伴吳牛枯涸方
窮轍生涯不繫舟猿啼三峽雨蟬報兩京秋珠玉慙新
贈芝蘭忝舊游他年問狂客須向老農求

送崔侍御之嶺南二十韻

并序

古朋友別皆贈以言况南方物候飲食與北土異其甚
者夷民喜聚蠱祕方云以含金變黑為驗攻之重雄黃
海物多肥腥啖之好嘔泄驗方云備之在鹹食嶺外饒
野菌音窘視之蟲蠹者無毒羅浮生異果察其鳥啄者可
餐大抵珠璣瑋琄之所聚貴潔廉湮鬱暑濕之所蒸避

溢慾其餘道途所慎離愴之懷盡之二百言矣敘不復
云

漢法戎施幕秦官郡置監蕭何歸舊印自江陵永授新銜幣

聘雖盈篋泥章未破緘蛛懸絲繚繞鵲報語詰謫再礪

神羊角重開憲簡函崔君前任鞶纓馳赴上聲綏珮繡

繆繆音衫逸翮憐鴻翥離心覺刃剗聯游虧片玉洞照失

湖鑿平聲遙想車登嶺那無淚滿衫茅蒸連鱗氣衣漬度

梅賦乙減切痕也聚氣也象鬪綠谿竹猿鳴帶雨杉颶風狂浩浩

韶石峻嶮嶮宿浦宜深泊祈瀧在至誠瘴江乘早度毒
草莫親芟試蠱看銀黑排腥貴食鹹菌須蟲已蠹菓重

鳥先鷗立銜切冰瑩上聲懷貪水霜清顧痛巖珠璣當盡

擲意以詎能讒荆俗欺王粲吾生問季咸遠書多不達

勤為枉擻擻思廉切

酬段丞與諸棊流會宿弊居見贈二十四韻次用

本韻

鳴局寧虛日閒窻任廢時琴書甘盡棄園井詎能窺運

石疑填海爭籌憶坐帷赤心方苦鬪紅燭以先施蛇勢

縈山合鴻聯度嶺遲堂堂排直陣袞袞逼羸師懸劫偏

深猛回征特險巖旁攻百道進死戰萬般為異日玄黃

隊今宵黑白棊斫營看迥點對壘重相持善敗雖稱怯

驕盈最易欺狼牙當必碎虎口禍難移乘勝同三捷扶

顛望一詞希因送目便敢待指縱奇退引防邊策雄吟

斬將詩眠牀都浪置通夕共忘疲曉雉風傳角寒蕞雪

壓枝繁星收玉版殘月耀冰池僧請聞鍾粥賓催下藥

卮獸炎餘炭在蠟淚短光衰所知切俛仰嗟陳跡殷勤卜

後期公私牽去住車馬各支離分作終身癖兼從是事

隳此中無限興唯怕俗人知

酬竇校書二十韻次本韻

鷗鷺元相得杯觴每共傳芳遊春爛熳晴望月團圓調

笑風流劇論文屬對全賞花珠並綴看雪壁常連竹寺

元集 卷十一
荒唯好松齋小更憐潛投孟公轄狂乞莫愁錢塵土拋
書卷槍籌弄酒權令誇齊箭道力鬪抹弓弦但喜添樽
滿誰憂泛桂然漸輕身外役渾證飲中禪及我辭雲陛
逢君仕圃田音徽千里斷冤夢兩情偏足聽猿啼雨深
藏馬腹鞭官醪半清濁夷饌雜腥膻顧影無依倚甘心
守靜專那知暮江上俱會落英前款曲生平在悲涼歲
序遷鶴方同北渚鴻又過南天麗句慙虛擲沉機嬾強
牽粗酬珍重意工拙定相懸

泛江翫月十二韻

并序

予以元和五年自監察御史貶授江陵士曹掾六月十

四日張季友李景儉二侍御王文仲同錄王衆仲判官
兩昆季爲予載酒炙選聲音自府城之南淮橋乘攀月泛舟
窮竟一夕予賦詩以紀之

楚塞分形勢羊公壓大邦卽休朋儕多士子參量盡敦龐岳

壁閒相對荀龍自有雙共將船繫泊况是月臨江遠樹

懸金鏡深潭倒玉幢宅江切委波添淨練洞照滅疑釭闐

咽沙頭市玲瓏竹岸牕巴童唱巫峽海客話神龍已困

連飛盞猶催未倒釭飲荒情爛熳風棹樂崢嶸縱勝事他

年盡雄心此夜降知君皆逸韻須爲應筵撞

店臥聞幕中諸公徵樂會飲因有戲呈三十韻

濩落因寒甚。沉陰與病偕。藥囊堆小案。書卷上聲塞空齋。

脹腹看成鼓。羸形漸比柴。道情憂易適。溫瘴氣難排。治

廔時用切。脛腫也。扶輕杖。開門立靜街。耳鳴疑暮角。眼暗助昏

霾謨皆切。野竹連荒草。平陂接斷崖。坐隅甘對鵬。當路恐

遭豺蛇。蠱迷弓影。鵬翎落箭韋音。晚籬喧鬪雀。殘菊半

枯荻音。悵望悲回雁。依遲傍古槐。一生長苦節。三省詎

行怪平聲。奔北翻成勇。司南却是岡音。苦乖切。穹蒼真漠漠。風

雨漫喑喑。彼美猶谿女。其誰占館娃音。誠知通有日。太

極浩無涯。布卦求無妄。祈天願孔皆。藏去聲。衰謀計拙地

僻。往還乖。况羨蓮花侶。方欣綺席諧。鈿車迎妓樂。銀翰

屈朋儕。白紵顰歌黛。同蹄墜舞釵自紵同蹄皆樂人姓名。織身霞

出海艷。臉月臨淮。籌筋隨宜放。投盤止罰唾宣皆切。大關聲入笑

貌。紅娘留醉打。觥使及醒差舞引紅娘拋打曲名。酒中觥使席上右職。顧我

潛孤憤。何人想獨懷。夜燈然檨葉。凍雪墮磚堦。壞壁虛

缸倚。深爐小火埋。鼠驕銜筆硯。被冷束筋骸。畢竟圖斟

酌。先須遣癘疢音皆瘴。瘴之徒。槍旗如在手籌筋色目。那復敢歲烏

切。裹音懷不

酬友封話舊。敘懷十二韻依次重用為韻

風波千里別。書信二年稀。乍見悲兼喜。猶驚是與非。身

名判平聲。作夢盃盞莫相違。草館同牀宿。沙頭待月歸。春

深鄉路遠。老去宦情微。魏闕何由到。荆州且共依。人欺
翻省事。官冷易藏威。但擬馴鷗鳥。無因用弩機。開張圖
卷軸。顛倒醉衫衣。蓴菜銀絲嫩。鱸魚雪片肥。憐君詩似
湧。蹋馬筆如飛。會遣諸伶唱。篇篇入禁圍。

送王協律游杭越十韻

去去莫悽悽。餘杭接會稽。松門天竺寺。花洞若耶溪。浣
渚逢新豔。蘭亭識舊題。山經秦帝葬。壘辨越王棲。江樹
春常早。城樓月易低。鏡澄湖面滯。雲疊海潮齊。章甫官
人戴。蓴絲姹音姹女提。長干迎客鬧。小市隔煙迷。紙亂紅
藍壓。甌凝碧玉泥。荆南無抵物。來日爲儂携。

送東川馬逢侍御使回十韻

風水荆門闊。文章蜀地豪。眼青賓禮重。眉白衆情高。恩
勇曾吞筆。投虛慣用刀。詞鋒倚天劔。學海駕雲濤。南郡
傳紗帳。東方讓錦袍。旋吟新樂府。便續古離騷。雪岸猶
封草。春江欲滿槽。餞筵君置醴。隨俗我鋪糟。莫歎巴三
峽。休驚鬢二毛。流年等頭過。人世各勞勞。

元氏長慶集卷第十一

元氏長慶集卷第十二
律詩
酬盧秘書 并序
予自唐歸京之歲 自唐州從事還京 秘書郎盧拱作喜遇白贊
善學士詩二十韻兼以見貽白時酬和先出予草感末
暇皇頻有致師之挑故篇末不無憤辭其次用本韻習
然也
偶有衝天氣都無處世才未容榮路穩先躡禍機開分
聲去久沉荆掾慙經廡栢臺理推愁易惑鄉思病難裁夜
伴吳牛喘春驚朔雁回北人腸斷送西日眼穿隤唯望

元氏長慶集卷第十二
律詩

酬盧秘書 并序

予自唐歸京之歲 自唐州從事還京 秘書郎盧拱作喜遇白贊

善學士詩二十韻兼以見貽白時酬和先出予草感末

暇皇頻有致師之挑故篇末不無憤辭其次用本韻習

然也

偶有衝天氣都無處世才未容榮路穩先躡禍機開分

聲去久沉荆掾慙經廡栢臺理推愁易惑鄉思病難裁夜

伴吳牛喘春驚朔雁回北人腸斷送西日眼穿隤唯望

元集 卷二
竟歸去。那知詔下來。涸魚千丈水。殭鷲一聲雷。幽匣提
青鏡。衰顏拂故埃。夢雲期紫閣。厭雨別黃梅。親戚迎時
到。班行見處陪。文工猶畏忌。朝士絕嫌猜。新識蓬山傑
深交翰苑材。連投珠作貫。獨和玉成堆。劇敵徒相軋。羸
師亦自媒。磨礮刮骨刃。翻擲委心灰。恐被神剛哭。憂爲
造化災。私調破葉箭。定飲舉旗盃。金寶潛砂礫。芝蘭似
草萊。憑君毫髮鑿。莫遣翳莓苔。

見人詠韓舍人新律詩因有戲贈

喜聞韓古調兼愛近詩篇。玉磬聲聲徹金鈴。箇箇圓高
疎。明月下細膩。早春前花態繁於綺。閨情軟似綿。輕新

便妓唱凝妙。入僧禪欲得人人伏。能教面面全。延之苦

拘檢摩詰好。因緣七字排。居敬千詞敵。樂天侍御八兄能爲七言

絕句贊善白君好作百韻律詩殷勤開太祝張君籍好去老通川自謂莫漫

裁章句。須饒紫禁仙。

奉和權相公行次臨闕驛逢鄭僕射相公歸朝

俄頃分途因以奉贈詩十四韻

帝下赤霄符。搜求造化爐。中台歸內座。太一直南都。黃
霸乘軺入。王尊叱馭趨。萬人東道送。六纛北風驅。棧閣
纔傾蓋。關門已合繻。貫魚行邈迤。交馬語踟躕。去速熊
羆兆。來馳虎豹夫。昔憐三易地。今訝兩分途。別路環山

未卷云百韻
律少後創
之字次韻元
白創之前和
持和其意不
必用其韻自
元白創此格
皮注繼之後
人遂以次韻為
常矣二公長孫

最上最多不可
勝教各錄一篇
以為典則

雪離章運寸珠鋒鉞斷犀兕波浪沒蓬壺區宇聲雖動
淮河孽未誅將軍遙策畫師氏密許謨漢上壇仍築褭
西陣再圖公方先二虜何暇進愚儒

酬樂天東南行詩一百韻 并序

元和十年三月二十五日予司馬通州二十九日與樂
天於鄆東蒲池村別各賦一絕到通州後予又寄一篇
尋而樂天貺予八首予時瘧病將死一見外不復記憶
十三年予以赦當遷簡省書籍得是八篇吟歎方極適
崔果州使至為予致樂天去年十二月二日書書中寄
予百韻至兩韻凡二十四章屬李景信校書自忠州訪

予連牀遞飲之間悲咤使酒不三兩日盡和去年已來
三十二章皆異李生視草而去四月十三日予手寫為
上下卷去聲仍依次重用本韻亦不知何時得見樂天因
人或寄去通之人莫可與言詩者唯妻淑在旁知狀其本

卷尋時於峽州面付樂天別本都在唱和卷中此卷唯五言大律詩二首而已

我病方吟越君行已過湖元和十年閏六月至通州染瘴危重八月聞樂天司馬江

州去應平聲緣直道哭不為窮途亞竹寒驚牖空堂夜向

隅暗覓思背燭危夢怯乘桴此後每聯之內半述巴蜀土風半述江鄉物產坐

痛筋骸潛旁嗟物候殊雨蒸重沸渭浪湧怪睢盱索綆

飄蚊蚋蓬麻菟舳艫短簷苦稻草微俸封去聲漁租泥浦

喧撈蛤荒郊險鬪樁俱切鯨吞近溟漲猿鬧接黔巫芒

屨音囚泗音四牛婦丫頭蕩漿夫酢醅荷裹賣醯酒水淋沾

巴民造酒如淋醋法舞態翻鸚鵡歌詞咽鷓鴣夷音啼似笑蠻語

去聲謎相呼江郭船添店山城木豎郭吠聲沙市犬爭食

墓林烏獷俗誠堪憚妖神甚可虞欲令仁漸及已被瘧

潛圖膳減思調鼎行稀恐蠹樞雜尊多剖鱗和黍半蒸

菰綠糲新菱實金丸小木奴巴橘酸澁大如彈丸芋羹真慙淡鼯

音留食炙之夜漫塗蘇包鼈那勝荇音烹鮓音求只似鱸

通州俗以鮓魚為膾楚風輕似蜀巴地濕如吳氣濁星難見州斜

日易晡通宵但雲霧未西卽桑榆此後並言巴中風俗瘴窟蛇休

蟄炎溪暑不徂俚竟陰叫嘯鵬貌晝踟躕鄉里家藏蠱

官曹世乏儒斂緡偷印信傳箭作符繡椎髻拋巾幘鏡

音窠刀代轆轤當心鞞胡犬切銅鼓背弮必駕切射桑弧巴民盡射

木弓仍於豈復民昨料須將鳥獸驅是非渾並漆詞訟

敢研朱陋室鴉窺伺衰形蟒覬覦鬢毛霜點合襟淚血

痕濡倍憶京華伴偏忘我爾軀此後並言與樂天同科共遊處等事謫居

今共遠榮路惜同趨科試銓衡局衙參典校厨書判同年校正

同省月中分桂樹天上識昌蒲應召逢鴻澤陪游值賜醕

心唯撞衛磬耳不亂齊竽此後並言同應制時事海岱詞鋒截皇

王筆陣毆疾奔凌驤鬣高唱軌吳歛點檢張儀舌提携

未云固字初被用當是白偏誤而元仍之代書詩亦復表字一韻後人宜戒

傳說圖擺囊看利穎開領出明珠並取千人特皆非十

上徒白麻雲色膩墨詔電光粗眾口貪歸美何顏敢妬

姝秦臺納紅旭艷匣洗黃壚諫獵寧規避彈豪詎囁嚅

肺肝憎巧曲蹊徑絕縈迂誓遣朝綱振忠饒翰苑輸元

四年為監察御史驥調方汗血蠅點忽成盧遂謫栖遑

掾還飛送別孟痛嗟親愛隔顛望友朋扶狸病翻隨鼠

驄羸返作駒物情良狗俗時論太誣吾瓶罄壘偏耻松

摧栢自枯虎雖遭陷穽龍不怕泥塗此已上並述五年

遭罹重喜登賢苑方欣佐伍符九年樂天除太子贊判

身入矛戟輕敵比鎗銖駟騎來千里天書下九衢因教

罷飛檄便許到皇都十年春自唐州舟敗嬰浮漢驂疲

杖過邗郵亭一蕭索烽候各崎嶇餽餉人推輅誰何吏

執及拔家逃力役連鑠責音債逋誅防戍况兼弟收田婦

與姑縑紉工女竭青紫使臣紆望國參雲樹歸家滿地

蕪破窻塵埽埽音字塵幽院鳥鳴鳴此已下並言靖安

涼祖竹藜新筍孫枝壓舊梧晚花狂蛺蝶殘蒂宿茱萸

始悟摧林秀因銜避繳盧文房長遣閑經肆未曾鋪鶴

鷺方求侶鳴鳶已嚇雛徵還何鄭重斥去亦須與迢遞

投遐徼蒼黃出奧區通川誠有咎溢口定無辜三月積

八月樂天利器從頭匣剛腸到底剝薰蕕任盛貯稊稗

之江州

莫超踰公幹經時臥鍾儀幾歲拘光陰流似水蒸瘴熱
於鑪薄命知然也深交有矣夫救焚期骨肉投分刻肌

膚本題云寄澧州李十舍人果州崔二十二員外開州

遺李二十助教竇七校二妙馳軒陸三英詠袴襦

書兼校吊席八舍人十一李多嘲蠅蜓竇數

崔二十四並居北省李十一李多嘲蠅蜓竇數

里愚耽眠稀醒素憑醉少嗟吁學問徒為爾書題盡已

獨朽株邯鄲笑匍匐燕多詠物之作數子皆奇貨唯予

于別猶多夢寐情尚感凋枯近喜司戎健尋傷掌誥徂

今日得樂天書六年聞席八段士元名位屈伯道子孫無舊好飛瓊翰

新詩灌玉壺幾催閒處泣終作苦中娛廉蘭聲相讓燕

秦勢豈俱此篇應絕倒休漫捋髭鬚樂天戲題篇末云

容州詩故有戲譽

和樂天送客游嶺南二十韻次用本韻

我自離鄉久君那度嶺頻一杯竟慘澹萬里路艱辛江

館連沙市瀧船泊水濱騎田迴北顧桐柱指南隣大壑

浮三島周天過五均波心踴樓閣規外布星辰交廣間

高北極凌低圓規度外星辰至衆狒狒艾沸切說穿筒

大如五曜者數十皆不在星經狒狒艾沸切說穿筒

格猩猩置屐郭璞云龔龔交廣山谷間有之南人俗

笑笑則脣蔽兩目人因自筒中出手以釘釘之於樹猩猩嗜酒好屐南人嘗以美酒置於其所且排十數屐

猩見之驟相謂曰吾既就擒矣然而漸飲至醉醉則穿破履而行既不能去相與泣而見獲故吳都賦曰猩猩啼而就擒譽譽笑而格蓋為此

貢兼蛟女絹俗重語兒巾南方去京冕不到唯海路稍通吳中商華絕遠冠肆多勝云此有語兒巾子南方呼波斯船主腰藏寶為船主胡人

異寶多自懷黃家砦音柴之去聲起塵歌鍾排象背炊藏以避強丐

爨上魚身夷民大陳設則巨象背上作樂大魚出浮身若洲島海人泊舟於旁因而炊爨其上魚不

之電白雷山接旗紅賊艦新島夷徐市種廟覲趙佗神覺

鳶跖方知瘴蛇蘇不待春曙潮雲斬斬夜海火燐燐海

夜擊之則盡如火蓋冠冕中華客梯航異域臣果然猿

皮勝錦吉了鳥名舌如人風點音秋茅葉煙埋曉月輪定陰火潛然之謂也

應玄髮變焉思翠毛珍句漏沙須買貪泉貨莫親能傳

稚子術何患隱之貧

獻榮陽公詩五十韻 并序

啟今月十七日公會儒于便廡稹亦謬容末席公出棠樹之首章且識其目曰客有前進士韋張在宋來會學由我而下聯為五言以美之諸生怙怙竦竦各盡詞以獻公公則舉其摧敵推案析理次至數聯應若前定諸儒有不安者隨為刮削變嫻為妍不廢暮而珠貫成就瑕不可掩者稹六聯耳退而自咎且盛公之所為因而次用所聯翩賢等五十一字合為一詩止詠公之詞業力翰泊生徒學校之事而已也其於勳位崇懿在國籍

族地清甲編世家政事德美播謳謠儉仁慈愛被親戚
非小儒造次之所盡大凡受福狹者不可以語大持杯
捲而承澍雨自滿而止又安能測其霽霈之所至哉惶
恐無任俯伏待罪謹以啟陳不宣謹啟

鄭驛騎翩翩丘門子弟賢文翁開學日正禮騁途年張

才正暮榮陽公首薦登第也駿骨黃金買英髦絳帳延趨風皆蹠足

侍坐各差肩解榻招徐穉登樓引仲宣鳳攢題字扇魚

落講經筵盛氣河包濟貞姿嶽柱天臯夔當五百鄒魯

重三千科斗翻騰取關雎教授先榮陽公寮吏生徒受詩有百數篆垂

朝露滴詩綴夜珠聯逸禮多心匠焚書舊口傳陳遵修

尺牘阮瑀讓飛牋中的顏初啟抽毫踵未旋森羅萬本

合屬對百花全詞海跳波湧文星拂坐懸戴馮遙避席

祖逖後施鞭西蜀凌雲賦東陽詠月篇勁芟鼇足斷精

貫虱心穿浩汗神彌王颿颺興欲仙冰壺通皓雪綺樹

眇晴煙驅駕雷霆走鋪陳錦繡鮮清機登突於弔輿流

韻溢山川墨客膺潛服談賓膝設前張鱗定摧敗折角

反矜憐句句推瓊玉聲聲播管絃織新撩造化瀕洞幹

陶甄衛磬琤鉤極齊竿僭濫偏空虛慙炙輶點竄許懷

鈿儻色秋來草哀吟雨後蟬自傷菟慘沮何暇思幽玄

積病瘧二年求醫在此喜到樽罍側愁親几案邊菁華

榮陽公不忍歸之瘴鄉

知竭矣肺腑尚求旃抵滯渾成醉徘徊轉慕臙老歎他
切才漸少閒苦病相煎瓦礫難追琢芻蕘分棄捐漫勞
成懇懇那得美娟娟拙劣仍非速迂愚且異專移時停
筆硯揮景乏戈鋌儀舌忻猶在舒帷誓不褻會將連獻
楚深耻謬游燕蒲有臨書葉韋充讀易編沙須披見寶
經擬帶耕田入霧長期閏持朱本望研輪轅呈曲直鑿
枘取方圓呼吸寧徒爾霑濡豈浪然過簫資響亮隨水
漲淪漣惜日看圭短偷光恨壁堅勤勤彫朽木細細導
蒙泉傳癖今應甚頭風昨已痊丹青公舊物一爲變虫妍
元氏長慶集卷第十二

元氏長慶集卷第十三

律詩

酬樂天江樓夜吟稹詩因成三十韻

次用本韻

忽見君新句君吟我舊篇見當巴徼外吟在楚江前思
鄙寧通律聲清遂扣玄三都時覺重一顧世稱妍排韻
曾遙答分題幾共聯昔憑銀翰寫今賴玉音宣布鼓隨
椎響坏泥仰匠圓鈴因風斷續珠與調牽綿阮籍驚長
嘯商陵怨別絃猿羞啼月峽鶴讓警秋天志士潛興感
高僧暫廢禪興飄滄海動氣合碧雲連點綴工微者吹
噓勢特然休文徒倚檻彥伯浪迴船妓樂當筵唱兒童

諸葛亮云揚州
里濟陽向籍五
僕今年忽已四十一

滿巷傳改張思婦錦騰躍賈人牋魏拙虛教出曹風敢
望痊定遭才子笑恐賺學生癡裁什情何厚飛書信不
專隼猜鴻蓄縮虎橫犬迤邐水墨看雖久瓊瑤喜尚全
纔從魚裏得便向市頭懸夜置堂東序朝鋪座右邊手
尋章欲絕淚滴紙渾穿甘蔗銷殘醉醒醍醐醒早眠深藏
那遽滅同詠苦無緣雅羨詩能聖終嗟藥未仙五千誠
遠道四十已中年時公年四十一暗鬼多相夢衰容每自憐卒
章還慟哭蚊蚋溢山川

酬樂天待漏入閣見贈

時樂天為中書舍人予在翰林學士

未勘銀臺契先排浴殿關沃心因特召丞旨絕常班丞旨

學士在諸學士上

颯閃才人袖

思政對學士往官官傳詔

嘔鷓軟舉鑲宮

花低作帳雲從

去聲

積成山密視樞機草偷瞻咫尺顏恩

垂天語近對久漏聲開丹陛曾同立金鑾恨獨攀筆無

鴻業潤袍媿紫文殷

鳥間切

河水通天上瀛州接世間謫

仙名籍在何不重來還

酬樂天早春開游西湖頗多野趣恨不得與微

之同賞因思在越官重事殷鏡湖之遊或恐未

暇因成十八韻見竒樂天前篇到時適會予亦

宴鏡湖南亭因述目前所睹以成酬答末章亦

示暇誠則勢使之然亦欲粗為恬養之贈耳新東

作時

雁思去聲欲迴賓風聲乍變新各攜紅粉妓俱伴紫垣人

水面波疑縠山腰虹音降似巾柳條黃大帶芟葑葑葑草根綠

文茵雪盡纔通屐汀寒未有蘋向陽偏曬羽依岸小游

鱗浦嶼崎嶇到林園次第巡墨池憐嗜學丹井羨登真

逸少墨池稚川丹井皆越中異跡雅歎游方盛聊非意所親白頭辭北

關滄海是東隣問俗煩江界菟畋想渭津故交音訊少

歸夢往來頻獨喜同門舊皆為列郡臣三刀連地軸一

葦礙車輪尚阻青天霧空瞻白玉塵龍因雕字識犬為

送書馴勝事無窮境流年有限身嬾將開氣力爭鬪野

塘春

江邊四十韻

官為修宅率然有作因招李六侍御此後並江陵時作

官借江邊宅天生地勢切歌危饒壞構迢遞接長郊怪

鵬頻棲息跳蛙頗溷殺總無籬繳繞尤怕虎咆哮停潦

魚招獺空倉鼠敵猫土虚煩穴蟻柱朽畏藏蛟蛇虺吞

簷雀豺狼逐野麋犬驚狂浩浩雞亂響嘍嘍濩落貧甘

守荒涼穢盡包斷簾飛熠燿當戶網躡蝓曲突翻成沼

行廊却代庖橋橫老顛枿馬病衰芻茭一一牀頭點連

連砌下泡辱泥疑在絳避雨想經嶠相顧憂為鼈誰能

復繫匏誓心來利往卜食過安爻何計逃昏墊移文報

舊交棟梁存伐木。苦蓋愧分茅。金瑄排黃荻。琅玕衰翠
梢。花塼水面關。鴛瓦玉聲敲。方礎荆山採。修椽重玄切郢

匠鉋音袍隱椎雷震。蟄破竹箭鳴。骹音敲正寢初停午。頻

眠欲轉胞。困圓故薄祿。厨敝備嘉肴。各各人寧宇。雙雙

鷺賀巢。高門受車轍。華廡稱蒲稍。尺寸皆隨用。毫釐敢

浪拋。箴餘籠白鶴。枝音孕架青鷄。製榻容筐篚。施關拒

斗梢。欄干防汲井。密室待持膠。庭草傭工糝。園蔬稚子

培。本圖閒種植。那要擇肥磽。綠柚勤勤數。紅榴箇箇抄。

池清漉螃蟹。瓜蠹拾搬螯。曬篆看沙鳥。磨刀綻海鮫。羅

灰修藥竈。築堦閱弓弣。散誕都由習。童蒙剩懶教。平聲最

便陶靜飲。還作解愁嘲。近浦聞歸楫。遙城罷曉鏡。王孫
如有問。須為併揮鞘。

春六十韻

節應寒灰下。春生返照中。未能消積雪。已漸少回風。迎

氣邦經重。齋誠帝念隆。龍驤紫宸北。天壓翠壇東。仙仗

搖佳彩。榮光荅聖衷。便從威仰座。隨入大羅宮。先到璇

淵底。偷穿瑤瑁櫳。館娃朝鏡晚。太液曉冰融。撩摘音芳

情遍。搜求好處終。九霄渾可可。萬姓尚忡忡。晝漏頻加

箭。宵暉欲半弓。驅令三殿出。乞與百蠻同。直自方壺島

斜臨絕漠戎。南巡暖珠樹。西轉麗崆峒。度嶺梅甘圻。潛

元集 卷十三 四
泉脉暗洪悠悠鋪塞草冉冉着江楓蠶役投筐妾耘催
荷篠翁既蒸難發地仍送嬾歸鴻約畧環區宇殷勤綺
鎬艷華山青黛撲渭水碧沙蒙宿露清餘靄晴煙塞迥
空鷺巢纔點綴鷺舌最惺惚膩粉梨園白臙脂堯徑紅
鬱金垂嫩柳晉鳥感切晝委高籠地甲門闌大天開禁掖
崇層臺張舞鳳閣道架飛虹翹彙調神化鵷鷺竭志忠
歌聲齊錫宴車服獎庸功俊造興時用閭閻賀歲豐倡
樓歌細細農野麥芄芄貴主驕矜盛豪家恃賴雄偏霑
打毬彩頻得鑄錢銅專殺擒楊若殊恩赫鄧通女孫新
在內嬰稚近封公游衍關心樂詩書對面壘盤筵饒異

味音樂斥庸工酒愛油衣淺孟誇瑪瑙烘挑鬟玉釵髻
刺繡寶裝攏啟齒呈編貝彈絲動削葱醉圓雙媚靨波
溢兩明瞳但賞歡無極那知恨亦充洞房開窈窕庭院
獨葱籠謝砌榮殘絮班窻網曙蟲望夫身化石爲伯首
如蓬顧我沉憂士騎他老病驄靜街乘曠蕩初日接瞳
矐飲敗肺常渴菟驚耳更聰虛逢好陽艷其那苦昏悽
僂俛還移步持疑又省躬慵將疲頓質漫走倦羸僮季
月行當暮良辰坐歎窮晉悲焚介子魯願浴沂公燧改
鮮妍火陰繁掩澹桐瑞雲低過合切香雨潤濛濛藥
漑分窠數籬栽備幼冲種莎憐見葉護筍蕘成筒有夢

多為蝶因蒐定作熊漂沉隨壞芥榮茂委蒼寄震動風
千變晴和鶴一冲丁寧寒芳侶須識未開叢

月三十韻

莫葉標新朔霜豪引細輝白眉驚半隱虹勢訝全微涼
鬼潭空洞虛弓雁畏威上弦何汲汲佳色轉依依綺幕
殘燈斂粧樓破鏡飛玲瓏穿竹樹岑寂思上聲幞幞坐愛
規將合行看望已幾絳河冰鑑朗黃道玉輪巍迥照偏
瓊砌餘光借粉闈泛池相皎潔壓桂共芳菲的的當歌
扇娟娟透舞衣殷勤入懷什懇款墮雲圻素液傳烘盞
鳴琴薦碧微椒房深肅肅蘭路靄霏霏翡翠通簾影琉

璃瑩殿扉西園筵瑇瑁東壁射蚺蟻

音伊威鼠婦別名

老將占

天陣幽人釣石磯荷鋤元亮息迴棹子猷歸迢遞同千
里孤高淨九圍從星作風雨配日麗旌旗麟鬪寧徒設
蠅聲豈浪譏司存委鄉士新拜出郊畿今古雖云極虧
盈不易違珠胎方夜滿清露忍朝晞漸減嫦娥面徐妝
楚練機卜疑雕壁碎潘感竟牀稀捐篋辭班女潛波蔽
宓妃氛埃誰定滅蟾兔杳難希須遣圓明盡良嗟造化
非如能付刀尺別為創璿璣

飲致用神麴酒三十韻

七月調神麴三春釀綠醅音靈雕鐫荆玉盞烘透內丘甌

試滴盤心露疑添案上螢滿尊疑止水祝地落繁星翻
陋瓊漿濁唯聞石髓馨冰壺通角簾金鏡徹雲屏雪映
煙光薄霜涵霽色冷蚌珠懸皎晶桂魄倒潏溟晝灑蟬
將飲宵暉鶴誤聆琉璃驚太白鍾乳訝微青詎敢辭濡
首并憐可鑒形行當遣俗累便得造禪扃消熒切何憚說
千日甘從過百齡但令長泛蟻無復恨漂萍膽壯還增
氣機忘反自冥甕眠思畢卓糟籍憶劉伶髣髴中聖日
希夷夾大庭眼前須底物座右任他銘刮骨都無痛如
泥未擬停殘觴猶漠漠華燭已熒熒真性臨時見狂歌
半睡聽喧闐爭意氣調笑學娉婷酪酲焉知極羈離忽

暫寧雞聲催欲曙蟾影照初醒咽絕鶻啼竹蕭撩雁去
汀遙城傳漏箭鄉寺響風鈴楚澤一爲梗堯階屢變莫
醉荒非獨此愁夢幾曾經每耻窮途哭今那客淚零感
君澄醴酒不遣渭和涇

感石榴二十韻

何年安石國萬里貢榴花迢遞河源道因依漢使槎酸
辛犯葱嶺憔悴涉龍沙初到標珍木多來比亂麻深拋
故園裏少種貴人家唯我荊州見憐君胡地賒從教當
路長上聲兼恣入簷斜綠葉裁煙翠紅英動日華新簾裙
透影疎牖燭籠紗委作金爐焰飄成玉砌瑕乍驚珠綴

密終誤繡幃奢琥珀烘梳碎燕支嬾頰塗風翻一樹火
 電轉五雲車絳帳迎宵日芙蓉綻早牙淺深俱隱映前
 後各分葩宿露低蓮臉朝光借綺霞暗虹徒繳繞濯錦
 莫周遮俗態能嫌舊芳姿尚可嘉非專愛顏色同恨阻
 幽遐滿眼思鄉淚相嗟亦自嗟

度門寺

北祖三禪地

神秀禪師造

西山萬樹松門臨溪一帶橋映竹

千重剪鑿基階正包藏景氣濃諸巖分院宇雙嶺抱垣
 墉舍利開層塔香爐占小峯道場居士置經藏大師封
 太子知裁植神王守要衝由旬排講座丈六寫真容佛

語迦陵說僧行猛虎從修羅擡日拒樓至拔霜鋒畫井

垂枯朽穿池救險

疑檢切險喞魚出水貌

喞蕉非難敗壞槿喻暫

丰茸寶界留遺事金棺滅去蹤鉢傳烘礪石長翠芙蓉

影帳紗全落繩牀土半壅

金棺已下並寺中所有

荒林迷醉象

危壁亞盤龍行色憐初月歸程待曉鍾心源雖了了塵

世苦憧憧宿蔭高聲識齋糧併力春他生再來此還願

總相逢

大雲寺二十韻

地勝宜臺殿山晴離垢氛現身千佛國護世四王軍碧
 耀高樓瓦頰丑成切飛半壁文鶴林縈古道雁塔沒歸雲

幡影中天颺鍾聲下界聞攀蘿極峯頂游目到江濱
馴鴿閒依綴調猿靜守羣虎行風捷獵龍睡氣氛氲
穫稻禪衣卷燒畚劫火焚新英蜂采掇荒草象耕耘
鉢付靈童洗香教善女薰果枝低晉晉鳥感切花雨澤雰雰示化
維摩疾降魔力士勲聽經神變見說偈鳥紛紛上境光
猶在深谿暗不分竹籠煙欲暝松帶日餘曛真諦成知
別迷心尚有云多生沉五蘊宿習樂三墳諭鹿車雖設
如蠶緒正焚且將平等義還奉聖明君

和友封題開善寺十韻

依次重用本韻

梁王開佛廟雲構歲時遙珠綴飛開鴿紅泥落碎椒燈

籠青焰短香印白灰銷古匣收遺施行廊畫本朝藏經
霑雨爛魔女捧花嬌亞樹牽藤閣橫查壓石橋竹荒新
筍細池淺小魚跳匠正琉璃瓦僧鋤芍藥苗旋蒸茶嫩
葉偏把柳長條便欲忘歸路方知隱易招

元氏長慶集卷第十四

律詩

牡丹二首

此後並是稜書郎已前作

簇蘂風頻壞。裁紅雨更新。眼看吹落地。便別一年春。
繁綠陰全合。衰紅展漸難。風光一擡舉。猶得暫時看。

象人

被色空成象。觀空色異真。自悲人是假。那復假為人。

與楊十二巨源盧十九經濟同遊大安亭各賦

二物合為五韻探得松石

片石與孤松。曾經物外逢。月臨棲鶴影。雲抱老人峯。蜀

客君當問秦官我舊封。積膏當琥珀。新劫長芙蓉。待補
蒼蒼去。穆柯早變龍。

賦得春雪映早梅

飛舞先春雪。因依上番梅。一枝方漸秀。六出已同開。

積素光逾密。真花節暗催。搏風飄不散。見曉音峴忽偏

摧。郢曲琴空奏。羌音笛自哀。今朝兩成詠。翻挾昔人才。

賦得玉卮無當

韻取卮字

共惜連城寶。翻成無當卮。詎慚君子貴。深訝巧工隳。泛
蟻功全少。如虹色不移。可憐殊礫石。何計辨糟醅。江海
誠難滿。盤筵莫忘去聲施。縱乖斟酌意。猶得對光儀。

賦得數萸

元和
中作

將課司天曆。先觀近砌萸。一旬開應月。五日數從星。桂

滿叢初合。蟾虧影漸零。辨時長有素。數上聲閨或餘青。墜

葉推前事。新芽察未形。堯年始今歲。方欲瑞千齡。

賦得九月盡

秋字

霜降三旬後。萸餘一葉秋。玄陰迎落日。涼魄盡殘鈎。半

夜灰移琯。明朝帝御裘。潘安過今夕。休詠賦中愁。

賦得雨後花

紅芳憐靜色。深與雨相宜。餘滴下纖葉。殘珠墮細枝。浣

花江上思。去聲啼粉鏡中窺。念此低徊久。風光幸一吹。

早歸

春靜曉風微。凌晨帶酒歸。遠山籠宿霧。高樹影朝暉。飲馬魚驚水。穿花露滴衣。嬌鶯似相惱。含嚀傍人飛。

晚秋

竹露滴寒聲。離人曉思驚。酒醒秋簟冷。風急夏衣輕。寢倦解幽夢。慮閒添遠情。誰憐獨歎枕。斜月透窗明。

送林復夢赴韋令辟

蜀路危於劔。憐君自坦途。幾回曾啖炙。千里遠銜珠。野性便荒飲。時風忌酒徒。相門多禮讓。前後莫相踰。

憶楊十二巨源

楊子愛言詩。春天好詠時。戀花從馬滯。聯句放杯遲。日映含煙竹。風牽臥柳絲。南山更多興。須作白雲期。

夜合

綺樹滿朝陽。融融有露光。雨多疑濯錦。風散似分粧。葉密煙蒙火。枝低繡拂墻。更憐當暑見。留詠日偏長。

新竹

新篁纔解籜。寒色已青葱。冉冉偏凝粉。蕭蕭漸引風。扶疎多透日。寥落未成叢。惟有團團節。堅貞大小同。

秋相望

簷月驚殘夢。浮涼滿夏衾。蠨蛸低戶網。螢火度墻陰。爐

元集 卷十四 三
暗燈光短牀空帳影深此時相望久高樹憶橫岑

春病

病來閒臥久因見靜時心殘月曉窗迴落花幽院深望
山移坐榻行藥步墻陰車馬門前度遙聞哀苦吟

山竹枝

自化感寺携來至清源投之輞川耳

深院虎溪竹遠公身自我多慚折君節扶我出山來貴
宅安危步難將混俗林還投輞川水從作老龍回

悟禪三首寄胡果

近聞胡隱士潛認得心王不恨百年促翻悲萬劫長有
修終有限無事亦無殃慎莫通方便應平機不頓忘

百年都幾日何事苦囂然晚歲倦為學閒心易到禪病
宜多宴坐貧似少攀緣自笑無名字因名自在天

近見新章句因知見在心春游晉祠水晴上霍山岑問

法僧當偈還丹客贈金莫驚頭欲白禪觀老彌深

東臺去

僕每為崔白二學士話陶先生喜不遇之事且曰僕得分司東臺即足以買山

家

陶君喜不遇予每為君言今日東臺去澄心在陸渾旋
抽隨日俸併買近山園千萬崔兼白殷勤承主恩

戴光弓

韋評事見贈也

潞府筋角勁戴光因合成因君懷膽氣贈我定交情不

元集 卷十四 四
擬閒穿葉那能枉始生。唯調一隻箭飛入破聊城。

劉頗詩 并序

昌平人劉頗其上三世有義烈頗少落行陣二十解屬
文舉進士科試不就負氣俠路間病翼車蔽柩盡碎之
罄囊酬直而去南歸唐州爲吏所軋勢不支氣屈自火
其居出契書投火中繇是以氣聞予聞風四五年而後
見因以詩許之

一言感激士三世義忠臣。破甕嫌妨路燒莊耻屬人。迥
分遼海氣閒蹋洛陽塵。儻使權由我還君白馬津。

夜飲

燈火隔簾明竹稍風雨聲。詩篇隨意贈杯酒越巡行漫
唱江朝曲閒徵藥草名。莫辭終夜飲朝起又營營。

襄城驛

軍大夫
嚴秦修

嚴秦修此驛兼漲驛前池。已種千竿竹又栽千樹梨。四
年三月半新筍晚花時。悵望東川去等閒題作詩。

閒二首

晻淡洲煙白籬篩日脚紅。江喧過雲雨船泊打頭風。艇
子收魚市鴉兒噪荻叢。不堪堤上立滿眼是蚊蟲。

青衫經夏黥

都感切

白髮望鄉稠。雨冷新秋簟星稀欲曙。

樓連鴻盡南去。雙鯉本東流。北信無人寄。蟬聲滿樹頭。

欲曙

江隄閨暗流。漏鼓急殘籌。片月低城堞。稀星轉角樓。鶴
媒華表上。鶴音披鳩音夾柳枝頭。不為來趨府。何因欲曙遊。

寄胡靈之

早歲顛狂伴。城中共幾年。有時潛步出。連夜小亭眠。月
影侵牀上。花叢在眼前。今宵正風雨。空宅楚江邊。

夜雨

水怪潛幽草。江雲擁廢居。雷驚空屋柱。電照滿牀書。竹
瓦風頻裂。茅簷雨漸疎。平生滄海意。此去怯為魚。

酬李六醉後見寄口號用本韻

頓愈頭風疾。因吟口號詩。文章紛似繡。珠玉布如綦。健
羨觥飛酒。蒼黃日映籬。命童寒色倦。撫稚晚啼饑。潦倒
慙相識。平生頗自奇。明公將有問。林下是靈龜。

歸田時三十七

陶君三十七。挂綬出都門。我亦今年去。商山浙岸村。冬
修方丈室。春種桔槔園。千萬人間事。從茲不復言。

緣路

總是玲瓏竹。兼藏淺漫溪。沙平深見底。石亂不成泥。煙
火遙村落。桑麻隔稻畦。此中如有問。甘被到頭迷。
誚盧戡與予數約遊三寺戡獨沉醉而不行

乘興無羈束。閑行信馬蹄。路幽穿竹遠。野迥望雲低。素
帶茅花亂。圓珠稻實齊。如何盧進士。空戀醉如泥。

遣春三首

楊公三不惑。我惑兩般全。逢酒判平聲身病。拈花盡意憐。

水生低岸沒。梅蹙小珠連。千萬紅顏輩。須驚又一年。

柳眼開渾盡。梅心動已闌。風光好時少。杯酒病中難。學

問慵常容切都廢。聲名老更判平聲唯餘看花伴。未免憶長

安。

失却遊花伴。因風浪引將。柳堤遙認馬。梅徑誤尋香。晚
景行看謝。春心漸欲狂。園林都不到。何處在風光。

元氏長歲日示卷第十五

一日今年始。一年前事空。淒涼百年事。應與一年同。

湘南登臨湘樓

高處望瀟湘。花時萬井香。雨餘憐日嫩。歲閏覺春長。霞
斜分危牖。煙波透遠光。情知樓上好。不是仲宣鄉。

晚宴湘亭

晚日宴清湘。晴空走艷陽。花低愁露醉。絮起覺春狂。舞
旋紅裙急。歌垂碧袖長。甘心出童叟。須一盡時荒。

酒醒

飲醉日將盡。醒時夜已闌。暗燈風焰曉。春席水牕寒。未

解繁身帶猶傾墜枕冠呼兒問狼籍疑是夢中驢

元氏長慶集卷第十四 廿心出童幾與一盡却

白日宴青賦部空去體則艾初然

部宴賦亭

除公賦部空去體則艾初然

高爽遙巖賦部空去體則艾初然

賦南登調賦對

六日冷手欲因承前事空夢京百半事

景行看歲日心漸欲在園林都到何處在風光

元氏長慶集卷第十五

律詩

獨游

遠地難逢侶閒人且獨行上山隨老鶴接酒待殘鷺花

當去聲西施面泉勝衛玠清鷓鴣滿春野無限好同聲

洞庭湖

人生除泛海便到洞庭波駕浪沉西日吞空接曙河虞

巡竟安在軒樂詎曾過音唯有君山下狂風萬古多

雪天

故鄉千里夢往事萬重悲小雪沉陰夜閒牕老病時獨

元集 卷十五
聞歸去雁偏詠別來詩慙愧紅粧女頻驚兩鬢絲

贈熊士登

平生本多思况復老逢春今日梅花下他鄉值故人

別嶺南熊判官

十年常遠道不忍別離聲况復三巴外仍逢萬里行
桐花新雨氣梨葉晚春晴到海知何日風波從此生

水上寄樂天

眼前明月水先入漢江流漢水流江海西江過庾樓
庾樓今夜月君豈在樓頭萬一樓頭望還應望我愁

夏陽亭臨望寄河陽侍御堯

望遠音書絕臨川意緒長殷勤眼前水千里到河陽

日高懸

隔是身如夢頻來不為名憐君近南住時得到山行

輞川

世累為身累閒忙不自由殷勤輞川水何事出山流

天壇歸

為結區中累因辭洞裏花還來舊城郭煙火萬人家

雨後

倦寢數殘更孤燈暗又明竹梢餘雨重時復拂簾驚

晴日

多病苦虛羸。晴明強展眉。讀書心緒少。閒臥日長時。

直臺

麋入神羊隊。鳥驚海鷺眠。仍教百餘日。迎送直廳前。

行宮

寥落古行宮。宮花寂寞紅。白頭宮女在。閒坐說玄宗。

醉行

秋風方索漠。霜貌足睽携。今日騎驄馬。街中醉蹋泥。

指巡胡

遣悶多憑酒。公心只仰胡。挺身唯直指。無意獨欺愚。

飲新酒

聞君新酒熟。况值菊花秋。莫怪平生志。圖銷盡日愁。

香毬

順俗唯團轉。居中莫動搖。愛君心不惻。猶訝火長燒。

景申秋八首

年年秋意緒。多向雨中生。漸欲煙火近。稍憐衣服輕。詠
詩閒處立。憶事夜深行。濩落尋常慣。淒涼別為情。

蚊幌雨來卷。燭蛾燈上稀。啼兒冷秋簟。思婦問寒衣。簾
斷螢火入。窻明蝙蝠飛。良辰日夜去。漸與壯心違。

盟盟烏骨切咽也簷雷疑。丁丁窻雨繁。枕傾筒簟滑。幔颺

燈翻。喚魘兒難覺。吟詩婢苦煩。強眠終不着。閒臥暗

龜

瓶瀉高簷雨。窗來激箭風。病憎燈火暗。寒覺薄幃空。

報蕉蘇竭。妻愁院落通。老夫慵計數。教想蔡城東。

風頭難着枕。病眼厭看平書。無酒銷長夜。回燈照小餘。

三元推廢王。去九曜入乘除。廊廟應平多筭。參差幹太

虛。

經雨籬落壤。入秋田地荒。竹垂哀折節。蓮敗惜空房。小

片慈菇白。低叢柚子黃。眼前撩亂輩。無不是同鄉。

雨柳枝枝弱。風光片片斜。蜻蜓憐曉露。蚊蝶戀秋花。饑

啁與啄通空籬雀。寒棲滿樹鴉。荒涼池館內。不似有人

家

病苦十年後。連陰十日餘。人方教作鼠。天豈遣為魚。鮓

綻。艷城劍。蟲凋鬼火書。出聞泥滓盡。何地不摧車。

遣行十首

慘切風雨多。沉吟離別情。鸞辭前日社。蟬是每年聲。暗

淚深相感。危心亦自驚。不如元不識。俱作路人行。

十五年前事。恓惶無限情。病僮更借出。羸馬共馳聲。射

葉揚纜破。聞弓雁已驚。小年辛苦學。求得苦辛行。

徙倚簷宇下。思量去住情。暗篆穿竹見。斜雨隔窗聲。就

枕回轉數。聞雞撩亂驚。一家同草草。排比送君行。

元集 卷十五 四
已愴朋交別。復懷兒女情。相兄亦相舊。同病又同聲。白
髮年年剩。秋蓬處處驚。不堪身漸老。頻送異鄉行。
塞上風雨思。城中兄弟情。北隨鷓立位。南送雁來聲。遇
適尤兼恨。聞書喜復驚。唯應遙料得。知我伴君行。
暮欲歌吹樂。暗衝泥水情。稻花秋雨氣。江右夜灘聲。犬
吠穿籬出。鷗眠起水驚。愁君明日夜。獨自入山行。
七過襄城驛。回回各爲情。八年身世夢。一種水風聲。尋
覓詩章在。思量歲月驚。更悲西塞別。終夜遶池行。
襄縣驛前境。曲江池上情。南堤衰柳意。西寺晚鐘聲。雲
水興方遠。風波心已驚。可憐皆老大。不得自由行。

見說巴風俗。都無漢性情。猿聲蘆管調。羌笛竹雞聲。迎
候人應少。平安火莫驚。每逢危棧處。須作貫魚行。
聞道陰平郡。翛然古戍情。橋兼麋鹿跡。山應鼓鼙聲。羌
婦梳頭緊。蕃牛護尾驚。憐君閒悶極。只傍白江行。

生春二十首

丁酉歲作二十首

何處生春早。春生雲色中。籠蔥閒着水。掩淡欲隨風。度
曉分霞態。餘光庇雪融。晚來低漠漠。渾欲泥幽叢。
何處生春早。春生漫雪中。渾無到底片。唯逐入樓風。屋
上些些薄。池心旋旋融。自悲銷散盡。誰假入蘭叢。
何處生春早。春生霽色中。遠林橫反照。高樹亞東風。水

東霜底底。泥新地氣融。漸知殘雪薄。杪近最憐叢。

何處生春早。春生曙火中。星圍分暗陌。陌煙氣滿晴風。宮

樹棲鷗亂。城樓帶雪融。競排闥闔側。珂傘上聲自相叢。

何處生春早。春生曉禁中。殿階龍旆日。漏閣寶箏風。藥

樹香煙重。天顏瑞氣融。柳梅渾未覺。青紫已叢叢。

何處生春早。春生江路中。雨移臨浦市。晴候過湖風。蘆

筍錐猶短。凌漸玉漸融。數宗船載足。商婦兩眉叢。

何處生春早。春生野墅中。病翁閒向日。征婦懶成風。斫

筴天雖暖。穿區凍未融。鞭牛縣門外。爭土蓋蠶叢。

何處生春早。春生冰岸中。尚憐扶臘雪。漸覺受東風。織

女雲橋斷。波神玉貌融。便成嗚咽去。流恨與蓮叢。

何處生春早。春生柳眼中。芽新纔綻日。茸短未含風。綠

誤眉心重。黃鶯蠟淚融。碧條殊未合。愁緒已先叢。

何處生春早。春生梅援中。藥排難犯雪。香乞音擬來風。

隴迥羌聲怨。江遙客思融。年年最相惱。綠未有諸叢。

何處生春早。春生鳥思中。鵲巢移舊歲。戴羽旋高風。鴻

雁驚沙暖。鴛鴦愛水融。最憐雙翡翠。飛入小梅叢。

何處生春早。春生池榭中。鏤瓊冰陷日。文縠水迴風。柳

愛和身動。梅愁合樹融。草芽猶未出。挑得小萱叢。

何處生春早。春生稚戲中。亂騎殘爆竹。爭唾小旋風。罵

雨愁妨走呵冰喜旋融女兒針線盡偷學五辛叢

何處生春早春生人意中曉粧雖近火晴戲漸憐風暗

入心情嬾先添酒思融預知花好惡偏在最深叢

何處生春早春生半睡中見燈如見霧聞雨似聞風開

眼猶殘夢擡身便恐融却成雙翅蝶還遶庫花叢一本傷人

驚屢壓冤
逐牡丹叢

何處生春早春生曉鏡中手寒勻面粉髮動倚簾風宿

霧梅心滴朝光幕上融思牽梳洗嬾空拔綠絲叢

何處生春早春生綺戶中玉櫳穿細日羅幔張上聲輕風

柳軟腰支嫩梅香密氣融獨眠傷妬物偷鏟合歡叢

何處生春早春生老病中土膏蒸足腫天暖癢頭風似

覺肌膚展潛知血氣融又添新一歲衰白轉成叢

何處生春早春生客思中旅魂驚北雁鄉信是東風縱

有心灰動無由鬢雪融未知開眼日空遶未開叢

何處生春早春生濛雨中裊塵微有氣拂面細如風柳

誤啼珠密梅驚粉汗融滿空愁淡淡應豫憶芳叢

嘉陵水

爾是無心水東流有恨無我心無說處也共爾何殊

漫天嶺贈僧

五上雨漫天因師懺業緣漫天無盡日浮世有窮年

百牢關

天上無窮路。生期七十間。那堪九年内。五度百牢關。

二月十九日酬王十八全素

此後有酬和
並次用本韻

君念世上川。嗟予老瘴天。那堪十日內。又長白頭年。

滎陽鄭公以稹寓居嚴茅有池塘之勝寄詩四

首因有意獻

激射分流闊。灣環此地多。暫停隨梗浪。猶閱敗霜荷。恨阻還江勢。思深到海波。自傷才畎澮。其柰贈珠何。

酬樂天寄蘄州筆

蘄筆未經春。君先拭翠筠。知為熟時物。預與瘴中人。碾

玉連心潤。編牙小片珍。霜凝青汗簡。冰透碧游鱗。水魄輕涵黛。琉璃薄帶塵。夢成傷冷滑。驚馬臥老龍身。

酬李浙西先因從事見寄之作

近日金鑿直。親於漢珥貂。內人傳帝命。丞相讓吾僚。浙郡懸旌遠。長安諭日遙。因君藥珠贈。還一夢煙霄。

酬周從事望海亭見寄

年老無流輩。行稀足薜蘿。熟時憐水近。高處見山多。衣袖長堪舞。喉嚨轉解歌。不辭狂復醉。人世有風波。

代杭民答樂天

翠幕籠斜日。朱衣儼別筵。管絃淒欲罷。城郭望依然。路

溢新城市。農開舊廢田。春坊幸無事。何惜借三年。

外訪引各樂天

元氏長慶集卷第... 不稱... 人... 風...

平... 水... 山...

...

...

...

...

...

...

氏長慶集卷第十六

律詩

杏園

浩浩長安車馬塵。狂風吹送每年春。門前本是虛空界。何事栽花誤世人。

菊花

秋叢遶舍似陶家。遍遶籬邊日漸斜。不是花中偏愛菊。此花開盡更無花。

酬哥舒大少府寄同年科第

前年科第偏年少。未解知羞最愛狂。九陌爭馳好鞍馬。

八人同着綵衣裳

同年科第宏詞呂二吳王十一一起拔萃白二十二居易平判李十一復禮

呂四頻哥舒大煩崔十八玄亮逮不肖八人皆奉榮養

自行樂朝朝是豈料浮

生漸漸忙賴得官閒且疎散到君花下憶諸郎

幽棲

野人自愛幽棲所近對長松遠是山盡日望雲心不繫

有時看月夜方閒壺中天地乾坤外夢裏身名且暮閒

遼海若思千歲鶴且留城市會飛還

清都春霽寄胡三吳十一

藥珠宮殿經微雨草樹無塵耀眼光白日當空天氣暖

好風飄樹柳陰涼蜂憐宿露攢芳久鷺得新泥拂戶忙

時節催年春不住武陵花謝憶諸郎

貞元二十年正月二十五日自洛之京二月三

日春社至華嶽寺憇竇師院曾未逾月又復徂

東再謁竇師因題四韻而已

山前古寺臨長道來往淹留為愛山雙鷺營巢始西別

百花成子又東還暝驅羸馬頻看堠曉聽鳴雞欲度關

羞見竇師無外役竹窻依舊老身閒

貞元二十年五月十四日夜宿天壇石幢側十

五日得齋屋馬逢少府書知予遠上天壇因以

長句見贈篇末仍云靈溪試為訪金丹因於壇

舊本貞元云
小字夾注華
嶽寺三字下

舊本貞元云
云同上注題下

上還贈

野人性僻窮深僻。芸署官閒不似官。萬里洞中朝玉帝。
上有洞九光霞外宿天壇。洪漣浩渺東溟曙。白日低回
周萬里上境寒。因為南昌檢仙籍。馬君家世奉還丹。

尋西明寺僧不在

春來日日到西林。飛錫經行不可尋。蓮池舊是無波水。
莫逐狂風起浪心。

與吳侍御春遊

蒼龍闕下陪驄馬。紫閣峯頭見白雲。滿眼流光隨日度。
今朝花落更紛紛。

晚春

晝靜簷疎鶯語頻。雙雙鬪雀動階塵。柴扉日暮隨風掩。
落盡閒花不見人。

先醉

今日樽前敗飲名。三椽未盡不能傾。怪來花下長先醉。
半是春風蕩酒情。

獨醉

一樹芳菲也當去聲春。漫隨車馬擁行塵。桃花解笑鸚鵡能。
語自醉自眠那藉人。

宿醉

風引春心不自由。等閒衝席飲多籌。朝來始向花前覺。度却醒時一夜愁。

懼醉 荅盧子蒙

聞道秋來怯夜寒。不辭泥水為盃盤。殷勤懼醉有深意。愁到醒時燈火闌。

羨醉

綺陌高樓競醉眠。共期顛顛不相憐。也應自有尋春日。虛度而今正少年。

憶醉

自歎旅人行意速。每嫌杯酒緩歸期。今朝偏偶醒時別。

淚落風前憶醉時

病醉 戲作吳吟贈盧十九。經濟張三十四弘辛丈丘度。

醉伴見儂因酒病。道儂無酒不相窺。那知下藥還治底。人去人來剩一卮。

擬醉 與盧子蒙飲於竇晦之醉後賦詩共十九首。子蒙敘為別卷自此至狂醉皆是夕所賦。

九月閒宵初向火。一樽清酒始行盃。憐君城外遙相憶。冒雨衝泥黑地來。

勸醉

竇家能釀銷愁酒。但是愁人便與銷。願我共君俱寂寞。

只應連夜復連朝
任醉

本怕酒醒渾不飲。因君相勸覺情來。殷勤滿酌從聽醉。
乍可欲醒還一盃。

同醉

呂子元庚及之杜歸
和同隱客泛韋氏池

栢樹臺中推事人。杏花壇上鍊真形。心源一種閒如水。
同醉櫻桃林下春。

狂醉

一自栢臺爲御史。二年辜負兩京春。峴亭今日顛狂醉。
舞引紅娘亂打人。

且至今伴僧行

春來求事百無成。因向愁中識道情。花滿杏園千萬樹。
幾人能伴老僧行。

古寺

古寺春餘日半斜。竹風蕭爽勝人家。花時不到有花院。
意在尋僧不在花。

定僧

落魄閒行不着家。徧尋春寺賞年華。野僧偶向花前定。
滿樹狂風滿樹花。

觀心處

滿坐喧喧笑語頻。獨憐方丈了無塵。燈前便是觀心處。要似觀心有幾人。

智度師二首

四十年前馬上飛。功名藏盡擁禪衣。石榴園下擒生處。獨自閒行獨自歸。

三陷思明三突圍。鐵衣拋盡納禪衣。天津橋上無人識。閒凭欄杆望落暉。

西明寺牡丹

花向琉璃地上生。光風炫轉紫雲英。自從天女盤中見。直至今朝眼更明。

憶楊十二巨源

去時芍藥纔堪贈。看却殘花已度春。只爲情深偏愴別。等閒相見莫相親。

送復夢赴韋令幕

世上如今重檢身。吾徒耽酒作狂人。西曹舊事多持法。慎莫吐他丞相茵。

送劉太白

太白居從善坊

洛陽大底居人少。從善坊西最寂寥。想得劉君獨騎馬。古提愁樹隔中橋。

奉誠園

馬司徒舊宅

蕭相深誠奉至尊。舊居求作奉誠園。秋來古巷無人掃。
樹滿空墻閉戟門。

與太白同之東洛至櫟陽太白染疾駐行予九
月二十五日至華嶽寺雪後望山

共作洛陽千里伴。老劉因疾駐行軒。今朝獨自山前立。
雪滿三峯倚寺門。

野狐泉柳林

去日野狐泉上柳。紫牙初綻拂眉低。秋來寥落驚風雨。
葉滿空林蹋作泥。

酬胡三憑人問牡丹

竊見胡三問牡丹。為言依舊滿西欄。花時何處偏相憶。
寥落衰紅雨後看。

酬樂天秋興見贈本句云莫怪獨吟秋興苦比

滿山君校近。二毛年寺無門院院空煙火漸稀孤店誰
勸君休作悲秋賦。白髮如星也任垂。畢竟百年同是夢。
長年何異少何為。青文歸履信宅因贈韋氏兄弟

元氏長慶集卷第十六

春來饒夢慵朝起。不看千官擁御樓。却着閒行是忙事。
數人同傍曲江頭。五月二日。上。齊。長。鳳。對。天。下。一。日。
韋居守晚歲常言退休之志。因署其居曰大隱。
洞命予賦詩。因贈絕句。餘。並。題。謝。公。潛。有。東。山。意。已。向。朱。門。啟。洞。門。大。隱。猶。疑。戀。朝。市。
不如名作罷歸園。

贈李十二牡丹花片。因以餞行。火。補。蘇。德。昌。詩。
鶯澁餘聲絮墮風。牡丹花盡葉成叢。可憐顏色經年別。
收取朱欄一片紅。

題李十一修行里居壁。

雲闕朝迴塵騎合。杏花春盡曲江閒。憐君雖在城中住。
不隔人家便是山。

靖安窮居

喧靜不由居遠近。大都車馬就權門。野人住處無名利。
草滿空階樹滿園。

贈樂天

等閒相見銷長日。也有閒時更學琴。不是眼前無外物。
不關心事不經心。

使東川

并序。此後並御史時詩。

元和四年三月七日子。以監察御史使東川。往來鞍馬。

元集 卷之十一
間賦詩凡三十二章秘書省校書郎白行簡為予手寫
為東川卷今所錄者但七言絕句長句耳起駱口驛盡
望驛臺二十二首云

駱口驛二首

東壁上有李二十員外逢吉崔二
十二侍御詔使雲南題名處北壁

有翰林白二十二居易題擁石關云開雪紅
樹等篇有王質夫和焉王不知是何人也

郵亭壁上數行

音

字崔李題名王白詩盡日無人共言

語不離墻下至行時

二星徼外通蠻服五夜燈前草御文我到東川恰相半

向南看月北看雲

清明日

行至漢上憶與樂天知退
杓直拒非順之輩同遊

常年寒食好風輕觸處相隨取次行今日清明漢江上

一身騎馬縣官迎

亞枝紅

往歲與樂天曾於郭家亭子竹林中見
亞枝紅桃花半在池水自後數年不復

記得忽於襄城驛池岸竹間
見之宛如舊物深所愴然

平陽池上亞枝紅悵望山郵是事同還向萬竿深竹裏

一枝渾臥碧流中

梁州夢

是夜宿漢川驛夢與杓直樂天同遊曲
江兼入慈恩寺諸院倏然而寤則遞乘

及階郵吏已
傳呼報曉矣

夢君同遶曲江頭也向慈恩院院遊亭吏呼人排去馬
忽驚身在古梁州

南秦雪

帝城寒盡臨寒食。駱谷春深未有春。纔見嶺頭雲似蓋。已驚巖下雪如塵。千峯筍石千株一本作千條。玉萬樹松蘿。萬朶銀飛鳥不飛。猿不動。青驄御史上南秦。

江樓月

嘉川驛望月憶杓直樂天知退拒非順之數賢居近曲江間夜多同步月

嘉陵江岸驛樓中。江在樓前月在空。月色滿床兼滿地。

江聲如鼓復如風。誠知遠近皆三五。但恐陰晴有異同。

萬一帝鄉還潔白。

一本作皎潔

幾人潛傍杏園東。

慙問囚

蜀門夜行憶與順之在司馬鍊師壇上話出處時

司馬子微壇上頭。與君深結白雲儔。尚平村落擬連賣。

王屋山泉為別遊。各待陸渾求一尉。共資三逕便同休。

那知今日蜀門路。帶月夜行緣問囚。

江上行

悶見漢江流不息。悠悠漫漫竟何成。江流不語意相問。

何事遠來江上行。

漢江笛

二月十五日夜於西縣白馬驛南樓聞笛悵然憶得小年曾與從兄長楚寫漢

江聞笛賦而有愴耳

小年為寫游梁賦。最說漢江聞笛愁。今夜聽時在何處。

月明西縣驛南樓。

郵亭月

於駱口驛見崔二十二題名處數夜後於青山驛翫月憶得崔生好持確論每

於宵話之中常曰人生晝務夜安步月間行吾不與也言訖堅卧他人雖千百其詞難動搖矣至是愴然思此題因有獻

君多務實我多情大抵偏嗔步月明今夜山郵與蠻嶂君應堅卧我還行

嘉陵驛二首篇末有懷

嘉陵驛上空牀客一夜嘉陵江水聲仍對墻南滿山樹
野花撩亂月朧明

墻外花枝壓短墻月明還照半張牀無人會得此時意
一夜獨眠西畔廊

百牢關奉使推小吏任敬仲

嘉陵江上萬重山何事臨江一破顏自笑只緣任敬仲
等閒身度百牢關

江花落

日暮嘉陵江水東梨花萬片逐江風江花何處最腸斷
半落江流半在空中

嘉陵江二首

秦人惟識秦中水長想吳江與蜀江今日嘉川驛樓下
可憐如練遶明窗

千里嘉陵江水聲何年重遶此江行只應添得清宵夢
時見滿江流月明

西縣驛

去時樓上清暉夜。月照樓前撩亂花。今日成陰復成子。可憐春盡未還家。

望喜驛

滿眼文書堆案邊。眼昏偷得暫時眠。子規驚覺燈又滅。一道月光橫枕前。

好時節

身騎驄馬峨眉下。面帶霜威卓氏前。虛度東川好時節。酒樓元被蜀兒眠。

夜深行

夜深猶自遶江行。震地江聲似鼓聲。漸見戍樓疑近驛。百牢關吏火前迎。

望驛臺

三月盡

可憐三月三旬足。悵望江邊望驛臺。料得孟光今日語。不曾春盡不歸來。

贈咸陽少府蕭郎

莫怪逢君淚每盈。仲由多感有深情。陸家幼女託良婿。阮氏諸房無外生。顧我自傷為弟拙。念渠能繼事姑名。別時何處最腸斷。日暮渭陽驅馬行。

贈呂三校書

與呂校書同年科第後為別七年
元和巳丑歲八月偶於陶化坊會

同年同拜校書郎觸處潛行爛熳狂共占花園爭趙辟
競添錢貫定秋娘七年浮世皆經眼八月閒宵忽並牀
語到欲開歡又泣傷人相笑兩相傷

封書

鶴臺南望白雲關城市猶存暫一還書出步虛三百韻
藥珠文字在人間

仁風李著作作園醉後寄李十

隴明春月照花枝花下音聲是管兒却笑西京李員外
五更騎馬趨朝時

燈影

洛陽晝夜無車馬漫掛紅紗滿樹頭見說平時燈影裏
玄宗潛伴太真游

貶江陵途中寄樂天杓直以員外郎判鹽鐵樂

天以拾遺在翰林

此後並在江陵土曹時詩。杓直李建字

想到江陵無一事酒杯書卷綴新文紫芽嫩茗和枝採
朱橘香苞數瓣分暇日上山狂逐鹿凌晨過寺飽看雲
筭緝草詔終須解不敢將心遠羨君

渡漢江

去年春奉使東川經嶓冢山下

嶓冢去年尋漢水襄陽今日渡江濱山遙遠樹纔成點

浦靜沉碑欲辨文萬里朝宗誠可羨百川流入渺難分
鯢鯨歸穴東溟溢又作波濤隨伍員

哀病驄呈致用

櫪上病驄啼裊裊江邊廢宅路迢迢自經梅雨長垂耳
乍食菰蔣欲折腰金絡頭銜光未滅玉花衫色瘦來焦
曾聽禁漏驚衙鼓慣蹋康衢怕小橋半夜雄嘶心不死
日高饑餓尾還搖龍媒薄地天池遠何事牽牛在碧霄

送嶺南崔侍御

我是北人長北望每嗟南雁更南飛君今又作嶺南別
南雁北歸君未歸洞主參承驚豸角島夷安集慕霜威

黃家賊

黃少卿用鑷音窟小

刀利白水郎行旱地稀蜃吐

朝光樓隱隱鼇吹細浪雨霏霏毒龍蛻骨轟雷鼓野象

埋牙斲石礮火布垢塵須火浣木綿溫軟當去聲綿衣枕

擲麵

楚錫切

檳榔澁海氣常昏海日微蛟老變為妖

婦女舶來多賣假珠璣此中無限相憂事請為殷勤事

事依

酬樂天八月十五夜禁中獨直翫月見寄

一年秋半月偏深况就煙霄極賞心金鳳臺前波漾漾
玉鈎簾下影沉沉宴移明處清蘭路歌待新詞促翰林
何意枚臯正承詔瞥然塵念到江陰

予病瘴樂天寄通中散碧腴垂雲膏仍題四韻
以慰遠懷開拆之間因有酬答

紫河變鍊紅霞散翠液煎研碧玉英金籍真人天上合
鹽車病驥軛前驚愁腸欲轉蛟龍吼醉眼初開日月明
唯有思君治平聲不得膏銷雪盡意還生

元氏長慶集卷第十七

元氏長慶集卷第十八

律詩

陪諸公游故江西韋大夫通德湖舊居有感題
四韻兼呈李六侍御即韋大夫舊寮也

高墉行馬接通湖巨壑藏舟感大夫塵壁暗埋悲舊札
風簾吹斷落殘珠煙波漾日侵墮徒同切岸孤兔奔叢拂
坐隅唯有滿園桃李下膺明偏拜阮元瑜

送友封二首黔府實肇字友封

桃葉成陰鷺引雛南風吹浪颭檣烏瘴雲拂地黃梅雨
明月滿帆青草湖迢遞旅魂歸去遠顛狂酒興病來孤

元集 卷十八
知君兄弟憐詩句。遍爲姑將惱大巫。
惠和坊裏當時別。豈料江陵送上船。
鵬翼張風期萬里。馬頭無角已三年。
甘將泥尾隨龜後。尚有雲心在鶴前。
若見中丞忽相問。爲言腰折氣衝天。

放言五首

近來逢酒便高歌。醉舞詩狂漸欲魔。
五斗解醒猶恨少。十分飛盞未嫌多。
眼前讐敵都休問。身外功名一任他。
莫將心事厭長沙。雲到何方不是家。
酒熟備糟學漁父。飯來開口似神鴟。
竹枝待鳳千莖直。柳樹迎風一向斜。

總被天公霑雨露。等頭成長盡生涯。

霆轟電閃數聲頻。不柰狂夫不藉身。
縱使被雷燒作燼。寧殊埋骨颺爲塵。
得成蝴蝶尋花樹。儻化江魚掉錦鱗。
必若乖龍在諸處。何須驚動自來人。

安得心源處處安。何勞終日望林巒。
玉英惟向火中冷。蓮葉元來水上乾。
甯戚飯牛圖底事。陸通歌鳳也無端。
孫登不語啟期樂。各自當情各自歡。

三十年來世上行。也曾狂走趁浮名。
兩迴左降須知命。數度登朝何處榮。
乞我杯中松葉滿。遮渠肘上柳枝生。
他時定葬燒缸地。賣與人家得酒盛。

劉二十八以文石枕見贈仍題絕句以將厚意
因持壁州鞭酬謝兼廣爲四韻

枕截文瓊珠綴篇野人酬贈壁州鞭用長時節君須策
泥醉風雲我要眠歌眇彩霞臨藥竈執陪仙仗引爐煙
張騫却上知何日隨會歸期在此年

奉和嚴司空重陽日同崔常侍崔郎中及諸公

登龍山落帽臺佳宴

謝公愁思眇天涯。蠟屐登高爲菊花。貴重近臣光綺席。
笑憐從事落烏紗。萸房暗綻紅珠朶。茗椀寒供白露芽。
詠碎龍山歸去號。馬奔流電妓奔車。

舊本作接

半桂京遊王十一郎游剡中

越州都在浙河灣。塵土消沉景象閒。百里油盆鏡湖水。
千峯鈿朶會稽山。軍城樓閣隨高下。禹廟煙霞自往還。
想得玉郎乘畫舸。幾回明月墜雲間。

送友封

輕風略略柳欣欣。晴色空濛遠似塵。斗柄未回猶帶閨
江痕。潛上巳生春。蘭成宅裏尋枯樹。宋玉亭前別故人。
心斷洛陽三兩處。窈娘提抱古天津。

送致用

淚霑雙袖血成文。不爲悲身爲別君。望鶴眼穿期海外。

待鳥頭白老江濱遙看逆浪愁翻雪漸失征帆錯認雲
欲識九回腸斷處潯陽流水九條分

因贈幕中諸公
早春登龍山靜勝寺時非休澣司空特許是行

謝傳知憐景氣新許尋高寺望江春龍文遠水吞平岸
羊角輕風旋去聲細塵山茗音真粉含鷹觜嫩海榴紅綻錦
窠勻歸來笑問諸從事占得閒行有幾人

書樂天紙

金鑾殿裏書殘紙乞與荊州元判司不忍拈將等閒用
半封京信半題詩

酬子甫見贈十首各酬本意次用舊韻

宋玉秋來續楚詞陰鏗官漫足閒詩親情書札相安慰
多道蕭何作判司

杜甫天材頗絕倫每尋詩卷似情親憐渠直道當時語
不着心源傍古人

十歲荒狂任博徒接奴何切或作接接莎兩手相切摩也沙五木擲臬盧

野詩良輔偏憐假長借金鞍逐酒胡

曾經綽立侍丹墀綻藥宮花拂面枝雉尾扇開朝日出

柘黃衫對碧霄垂

一自低心翰墨場箭韋拋盡負書囊近來兼愛休糧藥

栢葉紗羅雜豆黃

莫笑風塵滿病顏。此生元在有無間。卷舒蓮葉終難濕。

去住雲心一種閒。

無事拋基侵虎口。幾時開眼復聯行。音終須殺盡綠邊

敵。四面通同掩太荒。

原憲甘貧每自開。子春傷足少人哀。巷南唯有陳居士。

時學文殊一問來。

每識閒人如未識。與君相識便相憐。經旬不解來過宿。

忍見空牀夜夜眠。

開折新詩展大瓊。音求與明珠炫轉玉音浮。酬君十首

求同

三更坐。減却常時半夜愁。

和樂天招錢蔚章看山絕句

碧落招邀開曠望。黃金城外玉方壺。人間還有大江海。

萬里煙波天上無。

折枝花贈行

櫻桃花下送君時。一寸春心逐折枝。別後相思最多處。

千株萬片遶林垂。

寄劉頗二首

平生嗜酒顛狂甚。不許諸公占丈夫。唯愛劉君一片膽。

近來還敢似人無。

前年碣石煙塵起。共看官軍過洛城。無限公卿因戰得。
與君依舊綠衫行。

晨起送使病不行因過王十一館居二首

自笑今朝誤夙興。相逢他御史瘡相仍。過君未起房門掩。
深映寒窗一盞燈。密宇深房小火爐。飯香魚熟近中廚。野人愛靜仍耽寢。
自問黃昏肯去無。

送孫勝

桐花暗淡柳惺惚。池帶輕波柳帶風。今日與君臨水別。
可憐春盡宋亭中。

遊三寺回呈上府主嚴司空時因尋寺道出當
陽縣奉命覆視縣囚牽於游行不暇詳究故以

詩自誚爾

謝公恣縱顛狂。掾觸處閒行許自由。舉板支頤對山色。
當筵吹帽落臺頭。貪緣稽首他方佛。無暇精心滿縣囚。
莫責尋常吐茵吏。書囊赤白報君侯。

遠望

滿眼傷心冬景和。一山紅樹寺邊多。仲宣無限思鄉淚。
漳水東流碧玉波。

早春尋李校書

款款春風澹澹雲。柳枝低作翠籠裙。梅含雞舌兼紅氣。
江弄瓊花散綠紋。帶霧山鷺啼尚小。穿沙蘆筍葉纔分。
今朝何事偏相覓。撩亂芳情最是君。

過襄陽樓呈上府主嚴司空樓在江陵節度使

宅北隅

襄陽樓下樹陰成。荷葉如錢水面平。拂水柳花千萬點。
隔林鷺舌兩三聲。有時水畔看雲立。每日樓前信馬行。
早晚暫教王粲上。庾公應待月分明。

八月六日與僧如展前松滋主簿韋戴同游碧

澗寺賦得扉字韻寺臨蜀江內有碧澗穿注兩

廊又有龍女洞能興雲雨詩中噴字以平聲韻

空闊長江礙鐵圍。高低行樹倚巖扉。穿廊玉澗噴紅旭。

踴塔金輪拆翠微。草引風輕馴虎睡。洞驅雲入毒龍歸。

他生莫忘去聲靈山別。滿壁人名後會稀。

奉和竇容州

嗣公莫訝容州遠。一路瀟湘景氣濃。斑竹初成二妃廟。
碧蓮遙聳九疑峯。禁林聞道長傾鳳。池水那能久滯龍。
自歎風波去無極。不知何日又相逢。

盧頭陁詩并序

道泉頭陁字源一姓盧氏本名士衍弟曰起郎士玟則

官闕可知也

政曾為節度使

少力學善記憶戡解職仕不三十

餘歷八諸侯府皆掌劇事性强邁不錄幽瑣為吏所構

謫官建州無何有異人密授心契冥失所在盧氏既為

大門族兄弟且賢豪惶駭求索無所得胤子某積歲窮

盡荒僻一夕於衡山佛舍眾頭陀中燈下識之號叫泣

血無所顧然而先是眾以為妾頭陀自是知其為盧頭

陀矣邇後往來湘潭間不常次舍祇以衡山為詣極元

和九年張中丞領潭之歲予拜張公於潭適上人在焉

即日詣所舍東寺一見蒙念不礙小劣盡得本末其事

列而序之仍以四韻七言為贈爾

盧師深話出家由。剃盡心花始剃頭。馬哭青山別車匿。鵲飛螺髻見羅睺。還來舊日經過處。似隔前身夢寐游。為向八龍兄弟說。他生緣會此生休。

醉別盧頭陀

醉迷狂象別吾師。夢覺觀空始自悲。盡日笙歌人散後。滿江風雨獨醒時。心超幾地行無處。雲到何天住有期。頓見佛光身上出。已蒙衣內綴摩尼。

元氏長慶集卷第十八

蕭山風雨鬱黝黝。心欲飛。此竹無風。雲怪何天。卦有隕。輶裘。玉象。限吾。神夢。覺騰空。故自悲。盡日。望烟人。婿。送。隨。來。通。輶。保。靈。龍。則。間。不。常。大。舍。私。以。衡。山。為。詣。極。元。

為向人請。只羊。請。此。主。縣。會。此。主。林。於。潭。適。上。人。在。焉。請。深。點。尋。具。羅。鄉。聚。來。畫。日。登。遊。盡。以。國。前。良。夢。寐。蓬。盡。相。彩。請。出。家。由。陳。盡。以。芬。故。陳。題。無。哭。青。山。限。車。望。

元集卷第十九

律詩

陪張湖南宴望岳樓。積為監察御史張中丞知。

雜事

觀象樓前奉末班。絳峰只似殿庭間。今日高樓重陪宴。雨籠衡岳是南山。

岳陽樓

岳陽樓上日銜窗。影到深潭赤玉幢。悵望殘春萬般意。滿櫺湖水入西江。

寄庾敬休

元集 卷九
小來同在曲江頭。不省春時不共游。今日江風好暄煖。
可憐春盡古湘州。

花栽二首

買得山花一兩栽。離鄉別土易摧隤。欲知北客居南意。
看取南花北地來。

南花北地種應難。且向船中盡日看。縱使將來眼前死。
猶勝拋擲在空欄。

宿石磯

石磯江水夜潺湲。半夜江風引杜鵑。燈暗酒醒顛倒枕。
五更斜月入空船。

遭風二十韻

洞庭瀰漫接天迴。一點君山似措杯。暝色已籠秋竹樹。
夕陽猶帶舊樓臺。湘南賈伴乘風信。夏口篙工厄泝洄。
後侶逢灘方拽筴。

音念

前宗到浦已眠桅。

音危船檣

俄驚四面

雲屏合坐見千峰。雪浪堆罔象。睚眦頻逞怪。石尤翻動
忽成災。勝凌豈但河宮溢。坱於央切軋渾憂地。軸摧疑是

陰兵致昏黑。果聞靈鼓借喧飀。

音灰闕聲

龍歸窟穴深潭旋

蜃作波濤古岸隤。水客暗游燒野火。楓人夜長吼春雷。
浸淫沙市兒童亂。汨沒汀洲雁鷺哀。自歎生涯看轉燭。
更悲商旅哭沈財。墻烏斗音斗折頭倉掉水。狗斜傾尾纜

開在昔詎慙橫海志。此時甘乏濟川才。歷陽舊事曾爲
鼈。鮪穴相傳有化能。閉目唯愁滿空電。冥心真類不然
灰。那知否極休徵至。漸覺宵分曙氣催。怪族潛收湖黯
湛。幽妖盡走日崔嵬。紫衣將校臨船問。白馬君侯傍柳
來。喚上驛亭還酪酏。兩行紅袖拂樽罍。能奴來切

贈崔元儒

殷勤夏口阮元瑜。二十年前舊飲徒。最愛輕欺杏園客
也曾辜負酒家胡。些些風景閒猶在。事事顛狂老漸無。
今日頭盤三兩擲。翠娥潛笑白髭鬚。

鄂州寓館嚴澗宅

時澗不在

鳳有高梧鶴有松。偶來江外寄行踪。花枝滿院空啼鳥
塵榻無人憶臥龍。心想夜閒唯足夢。眼看春盡不相逢。
何時最是思君處。月入斜牕曉寺鐘。

送杜元穎

江上五年同送客。與君長羨北歸人。今朝又送君先去
千里洛陽城裏塵。

貽蜀五首

并序

元和九年蜀從事韋臧文告別蜀多朋舊。稹性懶爲寒
溫書因賦代懷五章而贈行亦在其數。

病馬詩寄上李尚書

萬里長鳴望蜀門病身猶帶舊瘡痕遙看雲路心空在
久服鹽車力漸煩尚有高懸雙鏡眼何由並駕兩朱轡
音唯應夜識深山道忽遇君侯一報恩

李中丞表臣

韋門同是舊親賓獨恨潘床篔有塵十里花谿錦城麗
五年沙尾白頭新倅戎何事勞專席老掾甘心逐衆人
却待文星上天去少分光影照沈淪

盧評事子蒙

爲我殷勤盧子蒙近來無復昔時同懶成積疹推難動
禪盡狂心鍊到空老愛早眠虛夜月病妨杯酒負春風

唯公兩弟間相訪徃徃潛然一望公

張校書元夫

未面西川張校書書來稠疊頗相於我聞聲價金應敵
衆道風姿玉不如遠處從人須謹慎少年爲事要舒徐
勸君便是酬君愛莫比尋常贈鯉魚

韋兵曹臧文

處處侯門可曳裾人人爭事蜀尚書摩天氣直山曾拔
澈底心清水共虛鵬翼已翻君好去烏頭未變我何如
殷勤爲話深相感不學馮諼待食魚

贈嚴童子

嚴司空孫字照郎十歲能賦詩
徃徃有奇句書題有成人風

元集 卷九
衛瓘諸孫衛玠珍可憐雛鳳好青春解拈玉葉排新句
認得金環識舊身十歲佩觿嬌稚子八行飛札老成人
楊公莫訝清無業家有驪珠不復貧

桐孫詩 并序。此後元和十年詔召入京及通州司馬已後詩

元和五年予貶掾江陵三月二十四日宿曾峰館山月
曉時見桐花滿地因有八韻寄白翰林詩當時草感未
暇紀題及今六年詔許西歸去時桐樹上孫枝已拱矣
予亦白鬚兩莖而蒼然斑鬢感念前事因題舊詩仍賦
桐孫詩一絕又不知幾何年復來商山道中元和十年
正月題

去日桐花半桐葉別來桐樹老桐孫城中過盡無窮事
白髮滿頭歸故園

西歸絕句十二首

雙埃頻頻減去程漸知身得近京城春來愛有歸鄉夢
一半猶疑夢裏行

五年江上損容顏今日春風到武關兩紙京書臨水讀
得復言小桃花樹滿商山

同歸諫院韋丞相 韋丞相貫之共貶河南亞大夫 裴中丞度今日

還鄉獨憔悴幾人憐見白髭鬚
只去長安六日期多應及得杏花時春明門外誰相待

不夢閒人夢酒卮

白頭歸舍意如何。賀處無窮弔亦多。左降去時裴相宅。

裴相公墳舊來車馬幾人過。

還鄉何用淚沾襟。一半雲霄一半沈。世事漸多饒悵望。

舊曾行處便傷心。

閒遊寺觀從容到。遍問親知次第尋。腸斷裴家光德宅。

無人掃地戟門深。

一世營營死是休。生前無事定無由。不知山下東流水。

何事長須日夜流。

今朝西渡丹河水。心寄丹河無限愁。若到莊前竹園下。

殷勤為遶故山流。

丹浙莊之東流

寒牕風雪擁深爐。彼此相傷指白鬚。一夜思量十年事。

幾人強健幾人無。

宿實十二藍田宅

雲覆藍橋雪滿溪。須臾便與碧峯齊。風回麴市連天合。

凍壓花枝着水低。

寒花帶雪滿山腰。着柳冰珠滿碧條。天色漸明回一望。

玉塵隨馬度藍橋。

題藍橋驛留呈夢得子厚致用

泉溜才通疑夜磬。燒

去聲

煙餘煖有春泥。千層玉帳鋪松

蓋。五出銀區印虎蹄。暗落金烏山漸黑。深埋粉堠路渾

迷心知魏闕無多地。十二瓊樓百里西。

小碎詩篇取次書。等閒題柱意何如。諸郎到處應相問。

留取三行代鯉魚。一本

留與

和樂天高相宅

莫愁已去無窮事。漫苦如今有限身。二百年來城裏宅。

一家知換幾多人。

和樂天仇家酒

病嗟酒戶年年減。老覺塵機漸漸深。飲罷醒餘更惆悵。

不如閒事不經心。

和樂天贈雲寂僧

欲離煩惱三千界。不在禪門八萬條。心火自生還自滅。

雲師無路與君銷。

灋西別樂天

今朝相送自同游。酒語詩情替別愁。忽到灋西總回去。

一身騎馬向通州。

寄曇嵩寂三上人

長學對治思苦處。偏將死苦教人間。今因為說無生死。

無可對治心更閒。

題漫天嶺智藏師蘭若僧云住此二十八年

元集 卷十九
僧臨大道閱浮生。來往憧憧利與名。二十八年何限客。
不曾聞見一人行。

蒼溪縣寄揚州兄弟
蒼溪縣下嘉陵水。入峽穿江到海流。憑仗鯉魚將遠信。
雁回時節到揚州。

贈吳渠州從姨兄士則
憶惜分襟童子郎。白頭拋擲又他鄉。三千里外巴南恨。
二十年前城裏狂。甯氏舅甥俱寂寞。荀家兄弟半淪亡。
淚因生別兼懷舊。迴首江山欲萬行。

長灘夢李紳

孤吟獨寢意千般。合眼逢君一夜歡。慚愧夢魂無遠近。
不辭風雨到長灘。

新政縣

新政縣前逢月夜。嘉陵江底看星辰。已聞城上三更鼓。
不見心中一箇人。鬚鬢暗添巴路雪。衣裳無復帝鄉塵。
曾沾進許名兼利。勞勩生涯事未真。

元集卷第十九

廿七日薄暮讀至此卷

雁回時節到揚州

贈吳渠州從姨兄士則

憶惜分襟童子郎白頭拋擲又他鄉
三千里外巴南恨
二十年前城裏狂
寄氏舅甥俱寂寞
荀家兄弟半淪亡
不賴風雨怪尋鱗
迥首江山欲萬行
祗今鬪竊意干娘
合則彭聃一外
樽漸別夢真無處

元氏長慶集卷第二十一

律詩

新政縣

新政縣前逢月夜
嘉陵江底看星辰
已聞城上三更鼓
不見心中一箇人
鬚鬢暗添巴路雪
衣裳無復帝鄉塵
曾沾幾許名兼利
勞動生涯涉苦辛

南昌灘

渠江明淨峽逶迤
船到明灘拽柁遲
櫓竅音苗動搖妨作
夢
巴童指點笑吟詩
畚餘宿麥黃山腹
日背殘花白水
湄物色可憐心莫恨
此行都是獨行時

見樂天詩
通州到日日平西
江館無人虎印泥
忽向破簷殘漏處
見君詩在柱心題

夜坐

雨滯更愁南瘴毒
月明兼喜北風涼
古城樓影橫空館
濕地蟲聲遶暗廊
螢火亂飛秋已近
星辰早沒夜初長
孩提萬里何時見
狼籍家書滿臥床

聞樂天授江州司馬

殘燈無焰影憧憧
此夕聞君謫九江
垂死病中驚坐起
暗風吹雨入寒窗

歲日贈拒非

君思曲水嗟身老
我望通州感道窮
同入新年兩行淚
白頭翁坐說城中

送盧戡

紅樹蟬聲滿夕陽
白頭相送倍相傷
老嗟去日光陰促
病覺今年晝夜長
顧我親情皆遠道
念君兄弟欲他鄉
紅旗滿眼襄州路
此別淚流千萬行

雨聲

風吹竹葉休還動
雨點荷心暗復明
曾向西江船上宿
慣聞寒夜滴篷聲

奉和滎陽公離筵作

南郡生徒辭絳帳。東山妓樂擁油旌。鈞天排比簫韶待。猶顧人間有別情。

嘉陵水

此後並通州詩

古時應是山頭水。自古流來江路深。若使涇流會人意。也應知我遠來心。

閬州開元寺壁題樂天詩

憶君無計寫君詩。寫盡千行說向誰。題在閬州東寺壁。幾時知是見君時。

憑李忠州寄書樂天

萬里寄書將上峽。却憑冰峽寄江州。傷心最是江頭月。莫把書將上庾樓。

得樂天書

遠信入門先有淚。妻驚女哭問何如。尋常不省曾如此。應是江州司馬書。

寄樂天

無身尚擬覓相就。身在那無夢往還。直到他身亦相覓。不能空記樹中環。

酬知退

終須修到無修處。聞盡聲聞始不聞。莫着妄心銷彼我。

我心無我亦無君

通州

平生欲得山中住。天與通州遶郡山。睡到日西無一事。月儲三萬買教閑。

酬樂天書後三韻

今日廬峯霞遶寺。昔時鸞殿鳳迴書。兩封相去八年後。一種俱云五夜初。漸覺此生都是夢。不能將淚滴雙魚。

相憶淚

西江流水到江州。聞道分成九道流。我滴兩行相憶淚。遣君何處遣人求。除非入海無由住。縱使逢灘未擬休。

會向伍員潮上見。氣充頑石報心讐。

喜李十一景信到

何事相逢翻有淚。念君緣我到通州。留君剩住君須住。我不自由君自由。

與李十一夜飲

寒夜燈前賴酒壺。與君相對興猶孤。忠州刺史應閒臥。江水猿聲睡得無。

贈李十一

淮水連年起戰塵。油旌三換一何頻。共君前後俱從事。羞見功名與別人。

寒食日

今年寒食好風流。此日一家同出游。碧水青山無限思。莫將心道是涪州。

三兄以白角巾寄遺髮不勝冠因有感歎

病瘴年深渾禿盡。那能勝置角頭巾。暗梳蓬髮羞臨鏡。私戴蓮花恥見人。白髮過於冠色白。銀釘少校領中銀。我身四十猶如此。何況吾兄六十身。

別李十一五絕

巴南分與親情別。不料與君牀並頭。爲我遠來休悵望。折君災難是通州。

京城每與閒人別。猶自傷心與白頭。今日別君心更苦。別君緣是在通州。

萬里尚能來遠道。一程那忍便分頭。烏籠猿檻君應會。十步向前非我州。

來時見我江南岸。今日送君江上頭。別後料添新夢寐。虎驚虵伏一作是通州

聞君欲去潛銷骨。一夜暗添新白頭。明朝別後應腸斷。獨棹破船歸到州。

酬樂天醉別

前回一去五年別。此別又知何日回。好住樂天休悵望。

元集 卷三 五
匹如元不到京來

酬樂天雨後見憶

雨滑危梁性命愁。差池一步一生休。黃泉便是通州郡。
漸入深泥漸到州。

和樂天過祕閣書省舊廳

聞君西省重徘徊。祕閣書房次第開。壁記欲題三漏合。
吏人驚問十年來。經排蠹簡憐初校。芸長陳根識舊栽。
司馬見詩心最苦。滿身蚊蚋哭煙埃。

和樂天贈楊祕書

舊與楊郎在帝城。搜天斡地覓詩情。曾因並句甘稱小。

不爲論年便喚兄。刮骨直穿由苦鬪。夢腸翻出暫間行。
因君投贈還相和。老去那能競底名。

和樂天題王家亭子

風吹筍籜飄紅砌。雨打桐花蓋綠莎。都大資人無暇日。
泛池全少買池多。

酬樂天頻夢微之

山水萬重書斷絕。念君憐我夢相聞。我今因病竟顛倒。
唯夢閒人不夢君。

琵琶

學語胡兒撼玉玲。甘州破裏最星星。使君自恨常多事。

元集 卷三
不得功夫夜夜聽 廿四姮裏景星星對香自別當多事

春詞

山翠湖光似欲流 蜂聲鳥思却堪愁 西施顏色今何在 但看春風百草頭

酬樂天賦夢歸文

買紙定

春早讀連新卷卷早來疎雨作涼珠有

因侯外韻散味秋意

元氏長慶集卷第二十一

元氏長慶集卷第二十一

出溥閣示

元氏長慶集卷第二十一

律詩

酬樂天春寄微之

鸚心明黠雀幽蒙何事相將盡 入籠君避海鯨驚 浪裏我隨巴蟒瘴 煙中千山塞路音書絕 兩地知春曆日同一樹梅花數升酒 醉尋江岸哭東風

酬樂天舟泊夜讀微之詩

知君暗泊西江岸 讀我閒詩欲到明 今夜通州還不睡 滿山風雨杜鵑聲

酬樂天武關南見微之題山石榴花詩

比因酬贈為花時不為君行不復知又更幾年還共到
滿墻塵土兩篇詩

酬樂天見寄

三千里外巴蛇穴四十年來司馬官瘴色滿身治不盡
瘡痕刮骨洗應難常甘人向衰容薄獨訝君將舊眼看
前日詩中高蓋字白詩云舉目爭能不惆悵高車大馬滿長安至今唇舌遍

長安

酬樂天得稹所寄紵絲布白輕襖製成衣服以

詩報之

湓城萬里隔巴庸紵薄綈輕共一封腰帶定知今瘦小

衣衫難作遠裁縫唯愁書到炎涼變忽見詩來意緒濃
春草綠茸雲色白想君騎馬好儀容

和樂天尋郭道士不遇

道士昔常為僧於荊州相別

年我見杯中渡今日人言鶴上逢兩虎定隨千歲

林添作幾株松方瞳應是新燒藥短脚知緣舊施

為僧時先有脚疾

欲請僧繇遠相畫苦愁頻變本形容

酬樂天寄生衣

秋茅處處流瘡音皆瘡也夜鳥聲聲哭瘴雲羸骨不勝

細物欲將文服却還君

酬樂天得微之詩知通州事因成四首

茅簷屋舍竹籬州虎怕偏蹄蛇兩頭通州元和二年偏蹄虎害人比之白

額兩頭蛇處暗。蠱。有。時。迷。酒。影。浮。塵。向。日。似。波。流。沙。含

水。弩。多。傷。骨。田。仰。畬。刀。少。用。牛。知。得。共。君。相。見。否。近。來。

冤。夢。轉。悠。悠。

平地才應一頃餘閣欄都大似巢居巴人多在山坡架木為居自號閣欄

也頭入衙官吏聲疑鳥下峽舟船腹似魚市井無錢論尺

丈田疇付火罷耘鋤此中愁殺須甘分惟惜平生舊著

書本句云努力安心過三考已曾愁殺李尚書又予病甚將平生所為文自題云異日送白二十二郎也

哭鳥晝飛人少見俵竟夜嘯虎行多滿身沙虱無防處

獨脚山魃不柰何甘受鬼神侵骨髓常憂岐路處風波

南歌未有東西分敢唱滄浪一字歌本句云時時三唱濯纓歌

荒蕪滿院不能鋤甑有塵埃圃之蔬定覺身將囚一種

未知生共死何如饑搖困尾喪家狗熱暴枯鱗失水魚

苦境萬般君莫問自憐方寸本來虛

酬樂天聞李尚書拜相以詩見賀

初因彈劾死東川又為親情弄化權予為監察御史劾奏故東川節度使

嚴礪籍沒衣冠等八十餘家由是操權者大怒分司東臺日又劾奏宰相親因緣遂貶江陵士曹耳百口

共經三峽水一時重上兩漫天尚書入用雖旬月司馬

銜冤已十年若待更遭秋瘴後便愁平地有重泉

酬樂天歎窮愁見寄

病煎愁緒轉紛紛。百里何由說向君。老去心情隨日減。
遠來書信隔年聞。三冬有電連春雨。九月無霜盡火雲。
併與巴南終歲熱。四時誰道各平分。

酬樂天三月三日見寄

常年此日花前醉。今日花前病裏銷。獨倚破簾閒悵望。
可憐虛度好春朝。

酬樂天歎損傷見寄

前途何在轉茫茫。漸老那能不自傷。病爲怕風多睡日。
起因花藥暫扶牀。函關氣索迷真侶。峽水波翻礙故鄉。
唯有秋來兩行淚。對君新贈遠詩章。

瘴塞

瘴塞巴山哭鳥悲。紅粧少婦斂啼眉。殷勤奉藥來相勸。
云是前年欲病時。

紅荆

庭中栽得紅荆樹。十月花開不待春。直到孩提盡驚怪。
一家同是北來人。

黃草峽聽柔之琴二首

柔之公繼室
裴夫人也

胡笳夜奏塞聲寒。是我鄉音聽漸難。料得小來辛苦學。
又應知向峽中彈。

別鶴淒清覺露寒。離聲漸咽命雛難。憐君伴我涪州宿。

元集 卷三十一 四
猶有心情徹夜彈

書劔

渝工劔刃皆歐冶巴吏書蹤盡子雲唯我心知有來處
泊船黃草夜思君

內狀詩寄楊白二員外

時知制誥

天門暗闢玉琤

音撐

錫

呼宏切聲相雜

畫送中樞曉禁清彤管

內人書細膩金奩御印篆分明衝街不避將軍令跋勅
兼題宰相名南省郎官誰待詔與君將向世間行

別毅郎

此後工部侍郎時詩

爾爺只為一杯酒此別那知死與生兒有何辜才七歲

亦教兒作瘴江行

愛惜爾爺唯有我我今顛顛望何人傷心自比籠中鶴
翦盡翅翎愁到身

自責

犀帶金魚束紫袍不能將命報分毫他時得見牛常侍
為爾君前捧佩刀

送公度之福建

此後並同州刺史時作

棠陰猶在建溪磯此去那論是與非若見白頭須盡敬
恐曾江岸識胡威

喜五兄自泗州至

眼中三十年來淚。一望南雲一度垂。慚愧臨淮李常侍。
遠教形影暫相隨。

杏花

常年出入右銀臺。每怪春光例早回。慚愧杏園行在景。
同州園裏也先開。

第三歲日詠春風憑楊員外寄長安柳

三日春風已有情。拂人頭面稍憐輕。殷勤爲報長安柳。
莫惜枝條動軟聲。

贈別楊員外巨源

憶昔西河縣下時。青山顛顛宦名卑。掄揚陶令緣求酒。

結託蕭娘只在詩。朱紫衣裳浮世重。蒼黃歲序長年悲。
白頭後會知何日。一盞煩君不用辭。

寄樂天二首

榮辱升沈影與身。世情誰是舊雷陳。唯應鮑叔猶憐我。
自保曾參不殺人。山入白樓沙苑暮。潮生滄海野塘春。
老逢佳景唯惆悵。兩地各傷何限神。

論才賦命不相干。鳳有文章雉有冠。羸骨欲銷猶被刻。
瘡痕未沒又遭彈。劒頭已折藏須蓋。丁字雖剛屈莫難。
休學州前羅剎石。一生身敵海波瀾。

聽妻彈別鶴操

元集 卷三十一
別鶴聲聲怨夜絃。聞君此奏欲潛然。商瞿五十知無子。
便付琴書與仲宣。

和王侍郎酬廣宣上人觀放牘後相賀

渥洼徒自有權奇。伯樂書名世始知。競走墻前希得儻。
高縣日下表無私。都中紙貴流傳後。海外金填姓字時。
珍重劉繇因首薦。

進士李景述以同判解頭及第

為君送和碧雲詩

元氏長慶集卷第二十一

元氏長慶集卷第二十二

律詩

酬樂天喜隣郡

此後並越州酬和並各次用本韻

蹇驢瘦馬塵中伴。紫綬朱衣夢裏身。符竹偶因成對岸。
文章虛被配為隣。湖翻白浪常看雪。火照紅妝不待春。
老大那能更爭競。任君投募醉鄉人。

再酬復言和前篇

經過二郡逢賢牧。聚集諸郎宴老身。清夜漫勞紅燭會。
白頭非是翠娥隣。曾攜酒伴無端宿。自入朝行便別春。
潦倒微之從不占。未知公議道何人。

贈樂天

莫言隣境易經過彼此分符欲奈何垂老相逢漸難別
白頭期限各無多

重贈

樂人商玲龍能歌歌子數十詩

休遣玲瓏唱我詩我詩多是別君詞明朝又向江頭別
月落潮平是去時

別後西陵晚眺

晚日未拋詩筆硯夕陽空望郡樓臺與君後會知何日
不似潮頭暮却迴

以州宅夸於樂天

州城迥遠拂雲堆鏡水稽山滿眼來四面常時對屏障
一家終日在樓臺星河似向簷前落鼓角驚從地底迴
我是玉皇香案吏謫居猶得住蓬萊

重夸州宅且暮景色兼酬前篇末句

仙都難畫亦難書暫合登臨不合居繞郭煙嵐新雨後
滿山樓閣上燈初人聲曉動千門闢湖色宵涵萬象虛
為問西州西剎岸濤頭衝突近何如

酬樂天吟張員外詩見寄因思上京每與樂天

於居敬兄升平里詠張新詩

樂天書內重封到居敬堂前共讀時四友一為泉路客

三人兩詠浙江詩。別無遠近皆難見。老減心情自各知。
杯酒與它年少隔。不相酬贈欲何之。

寄樂天

開夜思君坐到明。追尋往事倍傷情。同登科後心相合。
初得官時髭未生。二十年來諳世路。三千里外老江城。
猶應更有前途在。知向人間何處行。

戲贈樂天復言

此後三篇同韻

樂事難逢歲易徂。白頭光景莫令孤。弄濤船更曾觀否。
望市望市樓蘇之勝地也樓還有會無。眼力少將尋案牘。心情且
強擲。臯盧孫園虎寺隨。宜看不必遙遙羨鏡湖。

白重酬樂天

紅塵擾擾日西徂。我興雲心兩共孤。暫出已遭千騎擁。
故交求見一人無。百篇書判從饒白。八采詩章未伏盧。
最笑近來黃叔度。自投名刺占陂湖。

再酬復言

繞郭笙歌夜景徂。稽山迴帶月輪孤。休文欲詠心應破。
道子雖來畫得無。顧我小才同培塿。知君險鬪敵都盧。
不然豈有姑蘇郡。擬着陂塘比鏡湖。

郡務稍簡因得整。比舊詩并連綴。焚削封章繁。
委篋笥僅逾百軸。偶成自歎因寄樂天。

近來章奏小年詩一種成空盡可悲。書得眼昏朱似碧。用來心破髮如絲。催身易老緣多事。報主深恩在幾時。天遣兩家無嗣子。欲將文集與它誰。

酬樂天餘思不盡加為六韻之作

律呂同聲我爾身。文章君是一伶倫。眾推賈誼為才子。

帝喜相如作侍臣。樂天先有秦中吟及百節判皆為書肆市賈題其卷云白才子文章又樂

天知制誥詞云覽其詞賦喜與相如並處一時次韻千言曾報答。樂天曾寄子千字律詩數

首予皆次用本韻酬和後來遂以成風耳直詞三道共經綸。元詩駁雜真難

辨。後輩好偽作予詩傳流諸處自到會稽已有人寫宮詞百篇及雜詩兩卷皆云是予所撰及手勘驗無一篇是白樸流傳用轉新。樂天於翰林中書取書詔批答詞等撰為程式禁中號曰白樸

樂天與予同應制科並求前輩切直詞策以盡程邦之術其事已具之字詩註中篇

公所有新入學士求訪寶重過於六典也蔡女圖書雖在口。蔡琰口誦家于書四百餘篇于

公門戶豈生塵。樂天常贈予詩云其心如肺石動必達窮民東川八十家冤憤一言申因感無

兒之歎故子自有此句商瞿未老猶希冀。莫把籛金便付人。

寄樂天

莫嗟虛老海壖西。天下風光數會稽。靈汜橋前百里鏡。

石帆山嶼五雲溪。冰銷田地蘆葦短。春入枝條柳眼低。

安得故人生羽翼。飛來相伴醉如泥。

酬樂天雪中見寄

知君夜聽風蕭索。曉望林亭雪半糊。撼落不教封柳眼。

掃來偏盡附梅株。敲扶密竹枝猶亞。照煖寒禽氣漸蘇。

元集 卷二十二
坐覺湖聲迷遠浪。回驚雲路在常途。錢塘湖上蘋先合。
梳洗樓前粉暗鋪。石立玉童披鶴氅。宮室施瑤席。換龍鬚。
滿宮飛舞應爲瑞。寡和高歌只自娛。苦天遣擁簾傷思婦。
且將盈尺慰農夫。稱觴彼此情何異。此到景東西事有殊。
鏡水遶山山盡白。琉璃雲母世間無。

和樂天早春見寄

雨香雲澹覺微和。誰送春聲入棹歌。苦且近北堂穿土。早
柳偏東面受風。多湖添水劑消殘雪。江送潮頭湧漫波。
同受新年不同賞。無由縮地欲如何。

酬復言長慶四年元日郡齋感懷見寄

臘盡殘銷春又歸。逢新別故欲沾衣。自驚身上添年紀。
休繫心中小是非。富貴祝來何所遂。聰明鞭得轉無機。

祝當貴鞭聰明皆
正旦童稚俗法

羞看稚子先拈酒。悵望平生舊採薇。

去日漸加餘日少。賀人雖鬧故人稀。椒花麗句閒重檢。
艾髮衰容惜寸輝。苦思正旦酬白雪。閒觀風色動青旂。
千官仗下爐煙裏。東海西頭意獨違。

思音四
旦音丹

代郡齋神荅樂天

虛白堂神傳好語。二年長伴獨吟時。夜憐星月多離燭。
日混波濤一下帷。爲報何人償酒債。引看牆上使君詩。
酬樂天重寄別

却報君侯聽苦辭。老頭拋我欲何之。武牢關外雖分手，不似如今衰白時。

和樂天重題別東樓

山容水態使君知。樓上從容萬狀移。日映文章霞細麗，風驅鱗甲浪參差。鼓催潮戶凌晨擊，笛賽婆官徹夜吹。喚客潛揮遠紅袖，賣壚高掛小青旗。以證切鋪床席春眠處，高捲簾帷月上時。光景無因將得去，為郎抄在和

郎詩

餘杭周從事以十章見寄詞調清婉難於遍酬

聊和詩首篇以荅來貺

擾擾紛紛旦暮間。經營閒事不曾閒。多緣老病推辭酒，少有功夫久羨山。清夜笙歌喧四郭，黃昏鐘漏下重關。何由得似周從事，醉入人家醒始還。

寄浙西李大夫四首

柳眼梅心漸欲春。白頭西望憶何人。金陵太守曾相伴，共躡銀臺一路塵。

藥珠深處少人知。網索西臨太液池。浴殿曉聞天語後，

步廊騎馬笑相隨。

網索在太液上學士候對歌於此

禁林同直話交情。無夜無曾不到明。最憶西樓人靜後，

玉晨鐘磬兩三聲。

玉晨觀在紫宸殿後面也

元集 卷三十一
由來鵬化便圖南。浙右雖雄我未甘。早渡西江好歸去。
莫拋舟楫滯春潭。

初除浙東妻有阻色因以四韻曉之

嫁時五月歸巴地。今日雙旌上越州。興慶首行平千命。

婦子在中書日。妻以郡君朝會稽。旁帶六諸侯。海樓翡翠間。相逐鏡水鴛鴦煖。共游我有主。恩羞未報君。於此

外更何求。

為樂天自勘詩集因思頃年城南醉歸馬上遞

唱艷曲十餘里不絕長慶初俱以制誥侍宿南

郊齋宮夜後偶吟數十篇兩掖諸公泊翰林學

元氏長士三十餘人驚起就聽逮至卒吏莫不眾觀羣

樂公直至侍從行禮之時不復聚寐予與樂天吟

詩訖於哦竟亦不絕因書於樂天卷後越中冬夜風雨

銘贊文不覺將曉諸門互啟關鎖即事成篇

春野醉吟十里程齋宮潛詠萬人驚今宵不寐到明讀

風雨曉聞開鎖聲

題長慶四年曆日尾

殘曆半張餘十四灰心雪髮兩悽然定知新歲御樓後

從此不名長慶年

吳選尚書寄
許濤 贈劉松
壽二首

元氏長慶集卷第二十二

春理輶今十里野齋宮誓精萬人驚今宵不寐匪朋驚
不覺珠璣詣門正始關險噴事如篇

公直臣卦於吾豈之執不斯樂寐早與樂天今
士三十翁入驚賦涼離悲至卒吏莫不眾贈羣

元氏長慶集卷第二十三

樂府胡題序
詩訖於周離騷訖於楚是後詩之流為二十四名賦頌
銘贊文誄箴詩行詠吟題怨歎章篇操引謠謳歌曲詞
調皆詩人六義之餘而作者之旨由操而下八名皆起
於郊祭軍賓吉凶苦樂之際在音聲者因聲以度詞審
調以節唱句度短長之數聲韻平上之差莫不由之准
度而又別其在琴瑟者為操引採民昨者為謳謠備曲
度者總得謂之歌曲詞調斯皆由樂以定詞非選調以
配樂也由詩而下九名皆屬事而作雖題號不同而悉

元氏長慶集卷第二十三

謂之爲詩可也後之審樂者往往採取其詞度爲歌曲
蓋選詞以配樂非由樂以定詞也而纂撰者由詩而下
十七名盡編爲樂錄樂府等題除鏡吹橫吹郊祀清商
等詞在樂志者其餘木蘭仲卿四愁七哀之輩亦未必
盡播於管絃明矣後之文人達樂者少不復如是配別
但遇興紀題往往兼以句讀短長爲歌詩之異劉補闕
之樂府肇於漢魏按仲尼學文王操伯牙作流波水仙
等操齊牘沐作雉朝飛衛女作思歸引則不於漢魏而
後始亦以明矣况自風雅至於樂流莫非諷興當時之
事以貽後代之人沿襲古題唱和重複於文或有短長

於義咸爲贅賸

以證切

尚不如寓意古題刺美見事猶有

詩人引古以諷之義焉曹劉沈鮑之徒時得如此亦復
稀少近代唯詩人杜甫悲陳陶哀江頭兵車麗人等凡
所歌行率皆卽事名篇無復倚旁予少時與友人樂天
李公垂輩謂是爲當遂不復擬賦古題昨梁州見進士
劉猛李餘各賦古樂府詩數十首其中一二十章咸有
新意予因選而和之其有雖用古題全無古義者若出
門行不言離別將進酒特書列女之類是也其或頗同
古義全創新詞者則田家止述軍輸捉捕詞先螻蟻之
類是也劉李二子方將極意於斯文因爲粗明古今歌

詩同異之音焉

和劉猛古題樂府十首

夢上天

此後十首
並和劉猛

夢上高高天。高高蒼蒼高不極。下視五嶽塊。纍纍仰天。
依舊蒼蒼色。躡雲聳身身更上。攀天上天攀未得。西瞻
若水兔輪低。東望蟠桃海波黑。日月之光不到此。非暗
非明煙塞塞。天悠地遠身跨風。下無階梯上無力。來時
畏有他人上。截斷龍胡斬鵬翼。茫茫漫漫方自悲。哭向
青雲椎素臆。哭聲厭咽旁人惡。去聲喚起驚悲淚飄露。千
慙萬謝喚厭人。向使無君終不寤。

冬白紵

吳宮夜長宮漏款。簾幕四垂燈焰暖。西施自舞王自管。
雪紵翻翻鶴翎散。上聲促節牽繁舞腰嬾。舞腰嬾。王罷飲。
蓋覆西施鳳花錦。身作匡牀臂為枕。朝珮音宗詩簾業維音維懸。
鐘磬之處以彩為犬牙其狀縱縱然故謂之縱玉王晏寢寢醒聞報門無事子
胥死後言為諱。近王之臣諭王意。共笑越王窮惴惴。夜
夜抱冰寒不睡。

將進酒

將進酒。將進酒。酒中有毒醜主父。言之主父傷主母。母
為妾地父妾天。仰天俯地不忍言。陽為僵踣主父前。主

父不知加妾鞭旁人知妾為主說主將淚洗鞭頭血推
他雷 推主母牽下堂扶妾遣升堂上牀將進酒酒中無
反 毒令主壽願主迴恩歸主母遣妾如此由主父妾為此
 事人偶知自慙不密方自悲主今顛倒安置妾貪天僭
 地誰不為

採珠行

海波無底珠沉海採珠之人判死採萬人判死一得珠
 斛量買婢人何在年年採珠珠避人今年採珠由海神
 海神採珠珠盡死死盡明珠空海水珠為海物海屬神
 神今自採何況人

董逃行

董逃董逃董卓逃措丘皆切鏗戈甲聲勞嘈劍劍鳥官切深
 臍脂焰焰人皆歎曰爾獨不憶年年取我身上膏膏銷
 骨盡煙火死長安城中賊毛起城門四走公卿士走勸
 劉虞作天子劉虞不敢作天子曹瞞篡亂從此始董逃
 董逃人莫喜勝負相環相枕倚縫綴難成裁破易何況
 曲針不能伸巧指欲學裁縫須準擬

憶遠曲

憶遠曲郎身不遠郎心遠沙隨郎飯俱在匙郎意看沙
 那比飯水中書字無字痕君心暗畫誰會君况妾事姑

姑進止身去門前同萬里一家盡是郎腹心妾似生來
無兩耳妾身何足言聽妾私勸君君今夜夜醉何處姑
來伴妾自閉門嫁夫恨不早養兒將備老妾自嫁郎身
骨立老姑為郎求娶妾妾不忍見姑郎忍見為郎忍耐
看姑面

夫遠征

趙卒四十萬盡為坑中鬼趙王未信趙母言猶點新兵
更填死填死之兵兵氣索秦強趙破括敵起括雖專命
起尚輕何況牽肘之人牽不已坑中之鬼妻在營髮以
約髻也麻戴經鴛雁鳴送夫之婦又行哭哭聲送死非送

行夫遠征遠征不必戍長城出門便不知死生

織婦詞

織夫何太忙蠶經三卧行欲老蠶神女聖早成絲今年
絲稅抽徵早早徵非是官人惡去歲官家事戎索征人
戰苦束刀瘡主將勲高換羅幕縹絲織帛猶努力變緝
撩機苦難織東家頭白雙女兒為解挑紋嫁不得荆時
目擊貢綾戶有終老不嫁之女簷前嫋嫋游絲上上有蜘蛛巧來往羨
他蟲豸音雉解緣天能向虛空織羅網

田家詞

牛吒吒許角反田确确旱塊敲牛蹄趵趵音剝種得官倉珠

穎穀六十年來兵簇簇。月月食糧車輾輾。一日官軍收
海服。驅牛駕車食牛肉。歸來攸得牛兩角。重鑄鋤犁作
斤。劓音竹又音卓姑春婦擔去。輸官輸官不足歸賣屋。願官
早勝。讐早覆。農死有兒牛。有犢誓不遣。官軍糧不足。

俠客行

俠客不怕死。怕在事不成。事成不肯藏姓名。我非竊賊
誰夜行。白日堂堂殺袁盎。九衢草草人面青。此客此心
師海鯨。海鯨露背橫滄溟。海波分作兩處生。分海減海
力。俠客有謀人不識。測三尺鐵虵延二國。

和李餘古題樂府九首

分海一作海

君莫非

此後九首
和李餘

鳥不解走。獸不解飛。兩不相解。那得相譏。犬不飲露。蟬
不啖肥。以蟬易犬。犬蟬死。犬饑。燕在梁棟。鼠在階基。各自
窠窟。人不能移。婦好針縷。夫讀書詩。男翁女嫁。卒不相
知。懼聾摘耳。効痛嚔眉。我不非爾。爾無我非。

田野狐兔行

種豆耘鋤。種禾溝畦。

畎同又音旬

禾苗豆甲。狐楮兔剪。割鵠

餒鷹烹麟。啖犬鷹怕兔毫。犬被狐引。狐兔相須。鷹犬相

盡茲引反日暗天寒。禾稀豆損。鷹犬就烹。狐兔俱晒。

當來日大難行

當來日。大難行。前有坂。後有坑。大梁側。小梁傾。兩軸相
絞。兩輪相撐。大牛堅。小牛橫。鳥啄牛背。足跌力停。音能困屈
也。當來日。大難行。太行雖險。險可使平。輪軸自撓。牽制
不停。泥潦漸久。荆棘旋生。行必不得。不如不行。

人道短

古道天道長。人道短。我道天道短。人道長。天道晝夜廻。
轉。不曾住。春秋冬夏忙。顛風暴雨電雷狂。晴被陰暗月。
奪日光。徃徃星宿日。亦堂堂。天既職性命。道德人自強。
堯舜有聖德。天不能遣壽命永昌。泥金刻玉與秦始皇。
周公傳說何不長。宰相老聃仲尼何事栖遑。莽卓恭顯

皆數十年富貴。梁冀夫婦車馬煌煌。若此顛倒事。豈非
天道短。豈非人道長。堯舜留得神聖事。百代天子有典
章。仲尼留得孝順語。千年萬歲父子不敢相滅亡。沒後
千餘載。唐家天子封作文宣王。老君留得五千字。子孫
萬萬聖。唐諡作玄元帝。魂魄坐天堂。周公周禮二十卷。
有能行者知紀綱。傳說說命三四紙。有能師者稱祖宗。
天能天人命。人使道無窮。若此神聖事。誰道人道短。豈
非人道長。天能種百草。蒼得十年有氣息。舜纔一日芳。
人能揀得丁沉蘭蕙。料理百和香。天解養禽獸。餒虎豹。
豺狼。人解和麴蘖。克禘祀烝嘗。杜鵑無百作。天遣百鳥

元集 卷三十三 七
哺雛不遣哺鳳皇。巨蟒壽千歲。天遣食牛吞象充腹腸。
蛟螭與變化。鬼怪與隱藏。蚊蚋與利觜。枳棘與鋒鋸。賴
得人道有。揀別信任天道。其茫茫若此。撩亂事豈非天
道短。賴得人道長。

苦樂相倚曲

古來苦樂之相倚。近於掌上之十指。君心半夜猜恨生。
荆棘滿懷天未明。漢成眼瞥飛燕時。可憐班女恩已衰。
未有因由相決絕。猶得半年佯暖熱。轉將深意諭旁人。
緝綴疵瑕遣潛說。一朝詔下辭金屋。班姬自痛何倉卒。
呼天俯地將自明。不悟尋時已銷骨。白首官人前再拜。

願將日月相輝解。苦樂相尋晝夜間。燈光那有天明在。
主今被奪心應苦。妾奪深恩初為主。欲知妾意恨主時。
主今爲妾思量取。班姬收淚抱妾身。我曾排擯無限人。

出門行

兄弟同出門。同行不同志。悽悽分岐路。各各營所爲。兄
上荆山巔。翻石辨虹氣。弟沉滄海底。偷珠待龍睡。出門
不數年。同歸亦同遂。俱用私所珍。升沉自茲異。獻珠龍
王宮。值龍覓珠次。但喜復得珠。不求珠所自。酬客雙龍
如授客。六龍轡遣充。行雨神雨澤。隨客意。零下鐘鼓繁。
縈音容又去聲秋玉帛積音彩色畫廊廟。奴僮被珠翠。驥駮

千萬雙鴛鴦七十二言者未搖舌無人敢輕議其兄因
獻璞再刖不履地門戶親戚疎匡牀妻妾棄銘心有所
待視足無所媿持璞自枕頭淚痕雙血漬一朝龍醒寤
本問偷珠事因知行雨偏妻子五刑備仁兄捧屍哭勢
友掉頭諱喪車黔首葬弔客青蠅至楚有望氣人王前
忽長跪賀王得貴寶不遠王所莅求之果如言剖出浮
筠膩白珩無顏色垂棘有瑕累在楚裂地封入趙連城
貴秦遣李斯書書為傳國瑞秦亡漢魏傳傳者得神器
卞和名永永與寶不相墜勸爾出門行行難莫行易易
得還易失難同亦難離去聲善賈識貪廉良田無植穉磨

劔莫磨錐磨錐成小利

捉捕歌

捉捕復捉捕莫捉狐與兔狐兔藏窟穴豺狼妨道路
路非不妨最憂螻蟻聚豺狼不陷穿螻蟻潛幽壘切切
主人窻主人輕細故延緣蝕櫺櫺漸入棟梁柱梁棟盡
空虛攻穿痕不露主人坦然意晝夜安寢寤網羅布參
差鷹犬走迴互盡力窮窟穴無心自還顧客來歌捉捕
歌竟淚如雨豈是惜狐兔畏君先後誤願君掃梁棟莫
遣螻蟻附次及清道途盡滅豺狼步主人堂上坐行客
門前度然後巡野田遍張畋獵具外無梟獍援內有熊

元集 卷十三 九
熊驅狡兔掘荒榛。妖狐薰古墓。用力不足多。得禽自無
數。畏君聽未詳。聽客有明喻。蟣虱誰不輕。鯨鯢誰不惡。
在海尚猶遐。在懷交穢污。歌此勸主人。主人那不悟。不
悟還更歌。誰能恐違忤。

古築城曲五解

年年塞下下。長作出塞兵。自從冒音頓強官築。遮虜

城。

築城須努力。城高遮得賊。但恐賊路多。有城遮不得。

丁口傳父口。莫問城堅不。諳平城被虜圍。漢音卓屬

城墻走。

因茲請休和。虜往騎來過。半疑兼半信。築城猶差我。
築城安敢煩。願聽丁一言。請築鴻臚寺。兼愁虜出關。

估客樂

估客無住者。有利身則行。出門求火伴。入戶辭父兄。父

兄相教示。求利莫求名。求名莫所避。求利無不營。火伴

相勒縛。賣假莫賣誠。交關但交假。本生上聲得失輕。自茲

相將去。誓死意不更。亦解市頭語。便無鄉里情。鑰音倫

銅似石打臂釧充縮切糯米吹項瓔。歸來村中賣。敲作金

玉聲。村中田舍娘。貴賤不敢爭。所費百必本。已得十倍

贏。顏色轉光靜。飲食亦甘馨。子本頻蕃息。貨販日兼并。

元集卷三十三
求珠駕滄海採珠上荆衡北買党項馬西擒吐蕃鸚
洲布火浣蜀地錦織成越婢脂肉滑奚僮眉眼明通筭
衣食費不計遠近程經遊天下徧却到長安城城中東
西市聞客次第迎迎客兼說客多財爲勢傾客心本明
黠聞語心已驚先問十常侍次求百公卿侯家與主第
點綴無不精歸來始安坐富與王者勅市卒醉肉臭縣
胥家舍成豈唯絕言語奔走極使令大兒販材木巧識
梁棟形小兒販鹽鹵不入州縣征一身偃市利突若截
海鯨鈎距不敢下下則牙齒橫生爲估客樂判爾樂一
生爾又生兩子錢刀何歲平
元集卷二十三

元氏長慶集卷第二十四

樂府

連昌宮詞

連昌宮中滿宮竹歲久無人森似束又有墻頭千葉桃
風動落花紅軟軟宮邊老人爲予泣小年進食曾因入
上皇正在望仙樓太真同凭欄干立樓上樓前盡珠翠
炫轉熒煌照天地歸來如夢復如癡何暇備言宮裏事
初過寒食一百六店舍無煙宮樹綠夜半月高絃索鳴
賀老琵琶定場屋唐開元中賀申智善琵琶力士傳呼覓念奴念奴
潛伴諸郎宿須臾覓得又連催特勅街中許然燭春嬌

滿眼睡紅綃掠削雲鬟旋裝束飛上九天歌一聲二十

五郎吹管逐逶巡大遍涼州徹色色龜音丘茲音慈轟錄續

李暮謨同摩益涉切指按也笛傷宮墻偷得新翻數般曲念奴天寶中名

倡善歌每歲樓下酬宴累日之後萬眾喧隘嚴安之辜

黃裳輩闢易不能禁眾樂為之罷奏玄宗遣高力士大

呼於樓上曰欲遣念奴唱歌邪三十五郎吹小管逐看

人能聽否未嘗不悄然奉詔其為當時所重也如此然

而玄宗不欲奪俠遊之盛未嘗置在宮禁或歲幸湯泉

時巡東洛有司潛遣從行而已又玄宗嘗於上陽宮夜

後按新翻一曲屬明夕正月十五日潛遊燈下忽聞酒

樓上有笛奏前夕新曲大駭之明日密遣捕捉笛者詰

驗之自云其夕竊於天津橋翫月聞宮中度曲遂於橋

柱上插譜記之臣即長安少年善笛者李暮也玄宗異

而遣平明大駕發行宮萬人鼓舞途中百官隊仗避

岐薛岐王範薛王業玄宗之弟楊氏諸姨貴妃二姊帝呼為姨車關

風明年十月東都破天寶十三年御路猶存祿山過驅

令供頓不敢藏萬姓無聲淚潛墮兩京定後六七年却

尋家舍行宮前莊園燒盡有枯井行宮門閉樹宛然爾

後相傳六皇帝肅代德不到離宮門久閉往來年少說

長安玄武樓成花萼廢去年勅使因斫竹偶值門開暫

相逐荆榛櫛比塞池塘狐兔驕癡綠樹木舞榭歌傾基

尚在文窻窈窕紗猶綠塵埋粉壁舊花鈿烏啄風箏碎

珠玉上皇偏愛臨砌花依然御榻臨階斜虵出燕巢盤

關拱菌生香案正當衙寢殿相連端正樓太真梳洗樓

上頭晨光未出簾影黑至今反挂珊瑚鈎指示傷人因

元集 卷二十四 二

慟哭却出宮門淚相續自從此後還閉門夜夜狐狸上
 門屋我聞此語心骨悲太平誰致亂者誰翁言野父何
 分別耳聞眼見為君說姚崇宋璟作相公勸諫上皇言
 語切燮理陰陽禾黍豐調和中外無兵戎長官清平太
 守好揀選皆言由相公開元之末姚宋死朝廷漸漸由
 妃子祿山宮裏養作兒號國門前鬧如市弄權宰相不
 記名依稀憶得楊與李廟謨顛倒四海搖五十年來作
 瘡痛羽委切今皇神聖丞相明詔書纔下吳蜀平官軍又
 取淮西賊此賊亦除天下寧年年耕種宮前道今年不
 遣子孫耕老翁此意深望幸努力廟謀休用兵

望雲驢馬歌

并序

德宗皇帝以八馬幸蜀

興元元年二月丁卯李懷光反帝自奉天如梁州

七馬

道斃唯望雲驢來往不頓負元中老死天廡臣稹作歌
 以記之

憶昔先皇幸蜀時八馬入谷七馬疲肉綻筋攣四蹄脫

七馬死盡無馬騎天子蒙塵天雨泣嶮岳道路淋

漓濕嶢嶢白草眇難期于弄切洞黃泉安可入白草誌洞並維

谷中地名古諺云誌洞入黃泉朱泚圍兵抽未盡懷光寇騎追行及嬪

娥相顧倚樹啼鷓鴣無聲仰天立圍人初進望雲驢衫

色顛顛眾馬欺上前噴吼如有意耳尖卓立節蹠奇君

王試遣迴曾臆撮骨鋸牙駢兩肋蹄懸四跼或作腦顆

方。騰聳三山尾株直圍人畏誚仍相惑此馬無良空有

力頻頻嚙掣轡難施往往跳趨兵妖切鞍不得色沮聲悲

仰天訴天不遣言君未識亞身受取白玉羈開口銜將

紫金勒君王自此方敢騎似遇良臣久悽惻龍騰魚鼈

卓音卓然驚驥盼音焚大首貌驢騾少顏色七聖心迷運方厄

五丁力盡路猶窄橐它山上斧刃堆望秦嶺下錐頭石

五六百里真符縣八十四盤青山驛掣開流電有輝光

突過浮雲無朕跡地平險盡施黃屋九九屬車十二纛

齊映前導引騅頭帝自奉天奔梁道險溢映常為帝御會馬駭突帝命捨轡映日馬奔蹊不

過傷臣捨之或驚清蹕嚴震迎號抱騅足時震為山南西道節度使聞帝徒蹕馳表奉迎

路傍垂白天寶民望騅禮拜見騅哭皆言玄宗當時無

此馬不免騎騾來幸蜀雄雄猛將李令公李晟收城殺賊

豺狼空天旋地轉日再中天子却坐明光宮朝廷無事

忘征戰校獵朝迴暮毬宴御馬齊登擬用槽殿中號乘輿之馬曰

擬用槽君王自試宣徽殿圍人還進望雲騅性强步闊無

方便分駿擺杖頭太高擘肘迴頭項難轉人人共惡難

迴跋潛遣飛龍減芻秣銀鞍繡韉昌艷切韉下障泥者不復施空

盡茲引反天年御槽活當時鄒諺已有言莫倚功高浪閉

闊登山縱似望雲騅平地須饒紅叱撥長安三月花垂

草果下翩翩紫騮好千官煖熱李令開

平朱泚之後天子既厭兵患將

臣生事而張延賞當國復與晟有隙勸帝奪其兵柄

百馬生獐

音能

望雲老望雲騅

爾之種類世世奇當時項王乘爾祖分配英豪稱霸王

爾身今日逢聖人從幸巴渝歸入秦功成事遂身退天

之道何必隨羣逐隊到死蹋紅塵望雲騅用與不用各

有時爾勿悲

和李校書新題樂府十二首

并序

予友李公垂貺予樂府新題二十首雅有所謂不虛為
文予取其病時之尤急者列而和之蓋十二而已昔三
代之盛也士議而庶人謗又曰世理則詞直世忌則詞

隱予遭理世而君盛聖故直其詞以示後使夫後之人
謂今日為不忌之時焉

上陽白髮人

天寶年中花鳥使

天寶中密號採取豔異者為花鳥使

撩花

狎鳥含春思滿懷墨詔求嬪御走上高樓半酣醉醉酣

直入卿士家閨闈不得偷迴避良人顧妾心死別小女

呼爺血垂淚十中有一得更衣永配深宮作宮婢御馬

南奔胡馬蹙宮女三千合宮棄宮門一閉不復開上陽

花草青苔地月夜闌闌洛水聲秋池暗度風荷氣日日

長看提象門終身不見門前事近年又送數人來自言

興慶南宮至。我悲此曲將徹骨。更想深冤復酸鼻。此輩
賤嬪何足言。帝子天孫古稱貴。諸王在閣四十年。七宅
六宮門戶闕。隨煬枝條襲封邑。近古封前代子 肅宗血
胤無官位。肅宗已後諸王並未出閣 王無妃媵主無壻。陽亢陰淫結
災累。何如決壅順眾流。女遣從夫男作吏。

華原磬

李傳云天寶中始廢
泗濱磬用華原石

泗濱浮石裁為磬。古樂疎音少人聽。工師小賤牙曠稀。
不辨邪聲嫌雅正。正聲不屈古調高。鍾律參差管絃病。
鏗金戛瑟徒相雜。投玉敲冰杳然震。華原軟石易追琢。
高下隨人無雅鄭。棄舊美新由樂胥。自此黃鍾不能競。

玄宗愛樂愛新樂。梨園弟子承恩橫。霓裳纔徹胡騎來。
雲門未得蒙親定。我藏古磬藏在心。有時激作南風詠。
伯夔曾撫野獸馴。仲尼暫和春雷盛。何時得向筍簾懸。
為君一吼君心醒。願君每聽念封疆。不遣豺狼勦人命。

五絃彈

趙壁五絃彈。徵調微聲巉絕何清峭。辭雄皓鶴警露啼。
失子哀猿繞林嘯。風入春松正凌亂。鸞含曉舌憐嬌妙。
嗚嗚暗溜咽冰泉。殺殺霜刀澁寒鞘。促節頻催漸繁撥。
珠幢斗絕金鈴掉。千鞞鳴鏑發胡弓。萬片清球擊虞廟。
眾樂雖同第一部。德宗皇帝常偏召。旬休節假暫歸來。

元集 卷十四
一聲狂殺長安少主第侯家最難見蘇雷反歌按曲皆承詔水精簾外教貴嬪璵璠筵心伴中要臣有五賢非此絃或在拘囚或屠釣一賢得進勝累百兩賢得進同周邵三賢事漢滅暴強四賢鎮岳寧邊徼五賢並用調五常五常既序三光曜趙壁五絃非此賢九九何勞設庭燎

西涼伎

吾聞昔日西涼州人煙撲地桑柘稠蒲萄酒熟恣行樂紅豔青旗朱粉樓樓下當壚稱卓女樓頭伴客名莫愁鄉人不識離別苦更卒多為沉滯游哥舒開府設高宴

八珍九醞當前頭前頭百戲競撩亂九劍跳躑霜雪浮師子搖光毛彩豎胡姬醉舞筋骨柔大宛來獻赤汗馬贊普亦奉翠茸裘一朝燕賊亂中國河湟忽盡空遺丘開遠門前萬里埃今來感到行原州平時開遠門外立埃云去安西九千九百里以示戎人不為萬里行其就盈故矣去京五百而近何其逼天子縣內半沒為荒陬西京之道爾阻脩連城邊將但高會每說此曲能不羞

法曲

吾聞黃帝鼓清角弭伏熊羆舞玄鶴舜持干羽苗革心堯用咸池鳳巢閣大夏護武皆象功功多已誅玄功薄

漢祖歌沛亦有歌秦王破陣非無作作之宗廟見艱難
 作之軍旅傳糟粕明皇度曲多新態宛轉侵淫易沉著
 赤白桃李取花名霓裳羽衣號天落雅弄雖云已變亂
 夷音未得相參錯自從胡騎起煙塵毛毳腥羶滿咸洛
 女為胡婦學胡粧伎進胡音務胡樂音火鳳聲沉多咽
 絕春鸞轉罷長蕭索胡騎與胡粧五十年來競紛泊

馴犀

李傳云貞元丙子歲南海來貢至十三年冬苦寒死干苑中

建中之初放馴象遠歸林邑近交廣獸返深山鳥構巢
 鷹鷂鷓鴣無羈鞅貞元之歲貢馴犀上林置圈官司養
 玉盆金棧非不珍虎啖狴牢魚食網渡江之橘踰汶貉

反時易性安能長臘月北風霜雪深踈跼鱗身遂長往
 行地無疆費傳驛通天異物罹幽枉乃知養獸如養人
 不必人人自敦獎不擾則得之於理不奪有以多於賞
 脫衣推食衣食之不若男耕女令紡堯民不自知有堯
 但見安閒聊擊壤前觀馴象後觀犀理國其如指諸掌

立部伎

李傳云太常選坐部伎無性靈者退入立部伎又選立部伎無性靈者退入雅

樂可知矣李君作歌以諷焉

胡部新聲錦筵坐中庭漢振高音播太宗廟樂傳子孫
 取類羣凶陣初破戢戢攢鎗霜雪耀騰騰擊鼓風雷磨
 初疑遇敵身啟行終象由文士憲左昔日高宗常立聽

曲終然後臨玉座。如今節將一掉頭。電捲風收盡摧挫。

宋晉鄭友歌聲發。滿堂會客齊喧歌。虛可切珊瑚佩玉動

腰身一一貫珠隨。咳唾頃向圓丘見。郊祀亦曾正旦親。

朝賀太常雅樂備宮懸。九奏未終百寮惰。愆懣難令季

札辨遲迴。但恐文侯臥。工師盡取聾昧人。豈是先王作

之過。宋沈嘗傳天寶季。法曲胡音忽相和。明年十月燕

虺來。元廟千門虜塵流。鳥臥切。泥着物也。○太常丞宋

好度曲然而未嘗使蕃漢雜奏。天寶十三載始詔道我

聞此語歎復泣。古來邪正將誰柰。姦聲入耳佞人心。侏

儒飽飯夷齊餓。柰乃箇切

驃國樂

李傳云貞元辛巳歲始來獻

驃之樂器頭象駝。音聲不合十二和。從舞跳趨筋節硬。

繁詞變亂名字訛。千彈萬唱皆咽咽。左旋右轉空傿傿。

俯地呼天終不會。曲成調變當如何。德宗深意在柔遠。

笙鏞不御停嬪娥。史館書為朝貢傳。太常編入鞮鞢科。

古時陶堯作天子。遜道親聽康衢歌。又遣道人持木鐸。

遍採謳謠天下過。音戈萬人有意皆洞達。四嶽不敢施煩

苛。盡令區中擊壤塊。燕及海外覃恩波。秦霸周衰古官

廢。下堙上塞王道頗。共矜異俗同聲教。不念齊民方薦

瘡。傳稱魚鼈亦咸若。苟能効此誠足多。借如牛馬未蒙

澤豈在抱甕滋。龜鼉教化從來有。源委必將泳海先。泳河非是倒置自中古。驃兮驃兮誰爾訶。

胡旋女

李傳云天寶中西國來獻

天寶欲末胡欲亂。胡人獻女能胡旋。旋得明王不覺迷。妖胡奄到長生殿。胡旋之義世莫知。胡旋之容我能傳。蓬斷霜根羊角疾。竿戴朱盤火輪炫。驪珠迸珥逐龍星。虹降音降暈輕巾掣流電。潛鯨暗喻筮殘謝反海波迴風亂舞。當空霰萬過其誰辨。終始四座安能分。背面才人觀者相為言。承奉君恩在圓變。是非好惡隨君口。南北東西逐君盼。柔軟依身看珮帶。徘徊繞指同環釧。音串佞臣聞

此心計迴惑亂君心。君眼眩君言似曲屈如鈎。君言好直舒為箭。巧隨清影觸處行。好學春鸞百般囀。傾天側地用君力。抑塞周遮恐君見。翠華南幸萬里橋。玄宗始悟坤維轉。僧一行嘗奏玄宗曰陛下幸萬里聖祚無疆故天寶中歲幸洛陽冀克盈數及上幸蜀至萬里橋乃歎謂左右寄言旋日與旋心有國有家當共譴

蠻子朝

李傳云貞元末蜀川始通蠻酋

西南六詔

蒙雋詔越析詔浪穹詔透睽詔施浪詔蒙舍詔

有遺種僻在荒陬路

尋壅部落支離君長賤。比諸夷狄為幽冗。犬戎強盛頻侵削。降有憤心戰無勇。夜防鈔盜保深山。朝望煙塵上

高冢鳥道繩橋來款附非因慕化因為悚清平官擊金

呿血加切 又音虛嗟求天叩地持雙珙益州大將韋令公韋頃

實遭時定沂隴自居劇鎮無他績幸得蠻來固恩寵為

蠻開道引蠻朝接蠻送蠻常繼踵天子臨軒四方賀朝

廷無事唯端拱漏天走馬春雨寒瀘水飛虵瘴煙重椎

頭醜類除憂患瘡足役夫勞洶湧匈奴互市歲不供雲

蠻通好轡長駮音疎搖 銜走馬戎王養馬漸多年南人耗額西

人恐

縛戎人近制西邊每擒蕃囚例皆傳置南

邊頭大將差健卒入抄擒生快於鶻但逢頰尹戍切 赤色面

即捉來半是蕃人半戎羯大將論功重多級捷書飛奏

何超忽聖朝不殺諧至仁遠送災方示微罰萬里虛勞

肉食費連頭盡被羶裘暍阿葛切華茵重席臥腥臊病犬

愁鴟聲咽嗚中有一人能漢語自言家本長安窟小年

隨父戍安西河渭瓜沙眼看沒天寶未亂前數載狼星

四角光蓬勃中原禍作邊防危果有豺狼四來伐蕃馬

臙卑遙切 肥也成正翹健蕃兵肉飽爭唐突煙塵亂起無亭

燧主帥驚跳棄旄鉞半夜城摧鵝雁鳴妻啼子叫曾不

歇陰森神廟未敢依脆薄河冰安可越荆棘深處共潛

身前困蒺藜後艱危平明蕃騎四面走古墓深林盡株

櫛音骨少壯為俘頭被髮老翁留居足多朋烏鳶滿野屍

狼籍樓榭成灰墻突兀暗水濺濺入舊池平沙漫漫鋪

明月戎王遣將來安慰口不敢言心咄咄供進腋腋音夜

御叱般豈料穹廬揀肥腠音突五六十年消息絕中間盟

會又猖獗眼穿東日望堯雲腸斷正朝梳漢髮李延州鎮

蓬子將軍之子也嘗沒西蕃及歸自云蕃法唯正歲一日許唐人沒蕃者服衣冠如暹當此日由是悲不自勝

遂與蕃妻定歸計近來如此思漢者半為老病半埋骨尚教孫

子學鄉音猶話平時好城闕老者儻盡少者壯生長蕃

中似蕃悖音字不知祖父皆漢民便恐為蕃心矻矻緣邊

飽餒十萬衆何不齊驅一時發年年但捉兩三人精衛

銜蘆塞溟渤

陰山道李傳云元和二年有詔悉以金銀酬迴鶻馬價

年年買馬陰山道馬死陰山帛空耗元和天子念女工

內出金銀代酬犒臣有一言昧死進死生甘分荅恩燾

費財為馬不獨生耗帛傷工有他盜臣聞平時七十萬

匹馬關中不省聞嘶譟四十八監選龍媒時貢天庭付

良造如今坳野十無一盡在飛龍相踐暴萬束芻芟供

日暮千鍾菽粟長牽漕屯軍郡國百餘鎮縑緝歲奉春

冬勞稅戶逋逃例攤配官司折納仍貪冒挑紋變緝力

倍費棄舊從新人所好越穀撩綾織一端十疋素縑功

未到豪家富貴踰常制。令族親班無雅操。從騎愛奴絲
布衫。臂鷹小兒雲錦鞞。羣臣利已要差僭。天子深衷空
閱悼。綽立花塼鵷鳳行。雨露恩波幾時報。

元氏長慶集卷第二十四

元氏長慶集卷第二十五

樂府

有鳥二十章

庚寅

有鳥有鳥名老鴟。鴟張貪狠老不衰。似鷹指爪唯攫肉。
戾天羽翮徒翰飛。朝偷暮竊恣昏飽。後顧前瞻高樹枝。
珠丸彈射死不去。意在護巢兼護兒。

有鳥有鳥毛似鶴。行步雖遲性靈惡。主人但見閒慢容。
許占蓬萊最高閣。弱羽長憂俊鶻拳。疽腸暗著一作鵠

雛啄千年不死伴。靈龜臬心鶴貌何人覺。

有鳥有鳥如鸛雀。食蛇抱巖

音殼山多

天姿惡行經水許

為毒流羽拂酒盃為死藥漢后忍渴天豈知驪姬墳地
君寧覺嗚呼為有白色毛亦得乘軒謬稱鶴

有鳥有鳥名為鳩毛衣軟毳心性柔鶻綠暖足憐不喫
鷓為同科曾共游飛飛漸上高高閣百鳥不猜稱好逑
佳人許伴鷓雛食望爾化為張氏鈞

有鳥有鳥名野雞天姿耿介行步齊主人偏養憐整頓
玉粟充腸瑤樹栖池塘潛狎不鳴雁津梁暗引無用鶻
秋鷹迸逐霜鶻遠鵬鳥護巢當晝啼主人頻問道妖術
力盡計窮音響悽當時何不早量音良分莫遣輝光深照

泥

有鳥有鳥羣翠碧毛羽短長心並窄皆曾偷食淥池魚
前去後來更逼迫食魚滿腹各自飛池上見人長似家
飛飛競占嘉樹林百鳥不爭綠鳳惜

有鳥有鳥羣紙鳶因風假勢童子牽去地漸高人眼亂
世人為爾羽毛全風吹繩斷童子走餘勢尚存猶在天
愁爾一朝還到地落在深泥誰復憐

有鳥有鳥名啄木木中求食常不足偏啄鄧林求一蟲
蟲孔未穿長觜秃木皮已穴蟲在心蟲蝕木心根柢覆
可憐樹上百鳥兒有時飛向新林宿

有鳥有鳥衆蝙蝠長伴佳人占華屋妖鼠多年羽翻生

不辨雌雄無本族。穿墉伺隙善潛身。晝伏宵飛惡明燭。
大厦雖存柱石傾。暗齧棟梁成蠹木。

有鳥有鳥名爲鴉。深藏孔穴難動搖。鷹鷂遶樹探不得。
隨珠彈盡聲轉嬌。主人煩惑罷擒取。許占神林爲物妖。
當時幸有燎原火。何不鼓風連夜燒。

有鳥有鳥名燕子。口中未省無泥滓。春風吹送廊廡間。
秋社驅將嵌孔裏。雷驚雨灑一時蘇。雲壓霜摧半年死。
驅去驅來長信風。暫託棟梁何用喜。

有鳥有鳥名老烏。貪癡突諄天下無。田中攫肉吞不足。
偏入諸巢探衆雛。歸來仍占主人樹。腹飽巢高聲響麤。

倉胡切

山鷓野鵲間受肉。鳳皇不得聞罪辜。秋鷹掣斷架

上索利爪一揮毛血落。可憐鷓鵲慕腥膻。猶向巢邊競
紛泊。

有鳥有鳥謂白鷗。雪毛皓白紅觜殷。音烟貴人妾婦愛光

彩。行提坐臂怡朱顏。妖姬謝寵辭金屋。彫籠又伴新人
宿。無心爲主擬銜花。空長白毛映紅肉。

有鳥有鳥羣雀兒。中庭啄粟籬上飛。秋鷹欺小嫌不食。
鳳皇容衆從爾隨。大鵬忽起遮白日。餘風簸蕩山岳移。
翩翾百萬徒驚噪。扶搖勢遠何由知。古來妄說銜花報。
縱解銜花何所爲。可惜官倉無限粟。伯夷餓死黃口一作

鳥肥

有鳥有鳥皆百舌。舌端百轉聲咄啞。音質先春盡學百鳥

啼真偽不分聽者悅。伶倫鳳律亂宮商。蟠木天雞誤時

節。朝朝暮暮主人耳。桃李無言管絃咽。五月炎光朱火

盛。陽焰燒陰幽響絕。安知不是卷舌星。化作剛刀一時

截。

有鳥有鳥毛羽黃。雄者爲鴛雌者鴛。主人併養七十二

羅列。彫籠開洞房。雄鳴一聲雌鼓翼。夜不得栖朝不食。

氣息榻然雙翅垂。猶入籠中就顏色。

有鳥有鳥名鷓雛。鈴子眼精蒼錦襦。貴人腕軟憐易臂。

奮肘一揮前後呼。俊鶻無由拳狡兔。金鷗不得擒魅狐。

文王長在苑中獵。何日非熊休賣屠。

有鳥有鳥名鸚鵡。養在雕籠解人語。主人曾問私所聞。

因說妖姬暗欺主。主人方惑翻見疑。趨歸隴底雙翅垂。

山鷓野雀怪鸚語。競噪爭窺無已時。君不見隋朝隴頭

姥。嬌養雙鸚囑新婦。一鸚曾說婦無儀。悍婦殺鸚欺主

母。一鸚閉口不復言。母問不言何太久。鸚言悍婦殺鸚

由。母爲逐之鄉里。醜當時主母信爾言。顧爾微禽命何

有。今之主人翻爾疑。何事籠中漫開口。

有鳥有鳥名俊鶻。雛小鷓癡俊無匹。雛鴨拂鷓血。迸天

狡兔中拳頭粉骨平。剛度海朝未食。挾上秋空雲影沒。
瞥然飛下人不知。攪碎荒城魅狐窟。

有鳥有鳥真白鶴。飛上九霄雲漠漠。司晨守夜悲雞犬。
啄腐吞腥笑鷓鴣。堯年值雪度關山。晉室聞琴下寥廓。
遼東盡爾千歲人。悵望橋邊舊城郭。

有酒十章

有酒有酒雞初鳴。夜長睡足神慮清。悄然危坐心不平。
浩思一氣初彭亨。頽洞浩汗真無名。胡不終渾成。胡為
沉濁以升清。轟然分畫高下程。天蒸地鬱羣動萌。毛鱗
裸介如擊音能髮。嗚呼萬物紛已生。我可奈何兮

杯一傾

有酒有酒東方明。一杯既進吞元精。尚思天地之始名。

一元既二分。濁清地居方。直天體剛。胡不入荒打打他頂

切平也如砥平。胡山高屹崒。海泓澄。胡不日車杲杲晝夜

行。胡為月輪滅。缺星隳。音猛。嗚呼不得真宰

情。我可奈何。今杯再傾。

有酒有酒今湛淥。波飲將愉兮氣彌和。念萬古之紛羅。

我獨慨然而浩歌。歌曰天耶地耶。肇萬物耶。儲胥大庭

之君耶。恍耶忽耶。有耶傳而信耶。久而謬耶。文字生而

義農作耶。仁義別而聖賢出耶。炎始暴耶。蚩尤熾耶。軒

轅戰耶不得已耶仁耶聖耶愍人之毒耶天蕩蕩耶堯
穆穆耶豈其讓耶歸有德耶舜其貪耶德能嗣耶豈其
讓耶授有功耶禹功大耶人戴之耶益不逮耶啟能德
耶家天下耶榮後嗣耶於後嗣之榮則可耶於天下之
榮其可耶嗚呼遠堯舜之日耶何棄舜之速耶辛癸虐
耶湯武革耶順天意耶公天下耶踵夏榮嗣私其公耶
並建萬國均其私耶專征遞伐鬪海內耶秦掃其類威
定之耶二代而殞守不仁耶漢魏而降乘其機耶短長
理亂繫其術耶堯耶舜耶終不可逮耶將德之者不位
位者不逮其德耶時耶時耶時其可耶我可柰何兮一

杯又進歌且歌

有酒有酒兮黯兮溟仰天大呼兮天漫漫兮高兮青高
兮漫兮吾孰知天否與靈取人之仰者無乃在乎昭昭
乎曰與夫日星何三光之並照兮奄雲雨之冥冥幽妖
倏忽兮水怪族形龍鼉岸走兮海若鬪鯨河潰潰兮愈
濁濟翻翻兮不寧虵噴雲而出穴虎嘯風兮屢鳴汗高
巢而鳳去兮溺厚地而芝蘭以之不生葵心傾兮何向
松影直而孰翮人懼愁兮戴榮天寂默兮無聲嗚呼天
在雲之上兮人在雲之下兮又安能決雲而上征嗚呼
既上征之不可兮我柰何兮杯復傾

有酒有酒香滿尊。君寧不飲開君顏。豈不知君飲此心。
恨君人獨醒。誰與言。君寧不見颶風翻。海火燎原。巨鼇
唐突高焰延。精衛銜蘆塞海。枯魚噴沫救池燔。筋疲
力竭波更大。鱗焦甲裂身已乾。有翼勸爾升九天。有鱗
勸爾登龍門。九天下視日月轉。龍門上激雷雨奔。蟾蜍
雖怒誰爾懼。鴉旦雖啼誰爾憐。搏空意遠風來壯。我可
奈何今一杯。又進消我煩。

有酒有酒歌且哀。江春例早多。早梅櫻桃桃李相續開。
間以木蘭之秀香。徘徊東風吹盡南風來。鶯聲漸澁花
摧墮。四月清和豔殘卉。芍藥翻紅蒲映水。夏龍痛毒雷

雨多。蒲葉離披豔紅死。紅豔猶存榴樹花。紫苞欲綻高
筍牙。筍牙成竹冒霜雪。榴花落地還銷歇。萬古盈虧相
逐行。君看夜夜當窻月。榮落虧盈可奈何。生成未遍霜
霰過。霜霰過今無奈何。靈芝夙絕荆棘多。荆棘多今可
奈何。可奈何今終奈何。秦皇堯舜俱腐骨。我可奈何今
又進一杯歌復歌。

有酒有酒方爛漫。飲酣拔劍心眼亂。聲若雷。砰目流電。
醉舞翻環身眩轉。乾綱倒軋坤維旋。去聲白日橫空星宿
見一夫心醉萬物變。何況蚩尤之蹴蹋。安得不以熊羆
戰。嗚呼風后力牧得親見。我可奈何今又進一杯除健

有酒有酒兮告臨江。風漫漫兮波長。渺渺兮注海。海蒼
蒼兮路茫茫。彼萬流之混入兮。又安能分若畎澮。淮河
與夫岷吳之巨江。味作鹹而若一。雖甘淡兮誰謂爾爲
良。濟涓涓而縷貫。將奈何兮萬里之渾黃。鯨歸穴兮渤
溢。鼇載山兮低昂。陰火然兮衆族沸渭。颶風作兮晝夜
猖狂。顧千珍與萬怪兮。皆委潤而深藏。信天地之澗蓄
兮。我可奈何兮。一杯又進兮。包大荒。

有酒有酒兮。日將落。餘光委照在林薄。陽烏撩亂兮。屋
上栖。陰怪跳趨兮。水中躍。月爭光兮。星又繁。燒橫空兮。
焰仍爍。我可奈何兮。時既昏。一杯又進兮。聊處廓。
有酒有酒兮。再祝。祝予心兮。何欲。欲天泰而地寧。欲人
康而歲熟。欲鳳翥而鷄隨兮。欲龍亨而驥逐。欲日盛而
星微兮。欲滋蘭而殲毒。欲人欲而天從。苟天未從兮。我
可奈何兮。一杯又進。聊自足。

華之巫

景戌

有一人兮神之側。廟森森兮神默默。神默默兮可奈何。
願一見神兮。何可得。女巫索我何所有。神之開閉予之
手。我能進若神之前。神不自言寄予口。爾欲見神安爾
身。買我神錢沽我酒。我家又有神之盤。爾進此盤神爾

安此盤不進行路難。陸有摧車舟有瀾。我聞此語長太
息。豈有神明欺正直。爾居大道誰南北。恣矯神言假神
力。假神力兮神未悟。行道之人不得度。我欲見神誅爾
巫。豈是因巫假神祐。爾巫爾巫爾獨不聞乎。與其媚於
奧。不若媚於竈。使我傾心事爾巫。吾寧驅車守吾道。爾
巫爾巫且相保。吾心自有丘之禱。

廟之神

我馬煩兮釋我車。神之廟兮山之阿。予一拜而一祝。祝
予心之無涯。涕沈瀾而零落。神寂然而無譁。神兮神兮
奈神之寂默而不言。何復再拜而再祝。鼓吾腹兮歌吾
歌。歌曰。今耶古耶。有耶無耶。福不自神耶。神不福人耶。
巫爾惑耶。稔而誅耶。謁不得耶。終不可謁耶。返吾駕而
遵吾道。廟之木兮山之花。

三春已暮桃李傷。棠梨花白蔓菁黃。村中女兒爭摘將。

雍正丙午良月廿一日晨草。閱畢

齊君識時在靜觀齋中

長慶集卷三十五
長慶集卷三十五
長慶集卷三十五
長慶集卷三十五
長慶集卷三十五
長慶集卷三十五
長慶集卷三十五
長慶集卷三十五
長慶集卷三十五
長慶集卷三十五

廟之神

長慶集卷三十五
長慶集卷三十五
長慶集卷三十五
長慶集卷三十五
長慶集卷三十五
長慶集卷三十五
長慶集卷三十五
長慶集卷三十五
長慶集卷三十五
長慶集卷三十五

元氏長慶集卷第二十六

樂府

村花晚 庚寅

三春已暮桃李傷棠梨花白蔓菁黃
村中女兒爭摘將
插刺頭鬢相誇張
田翁蠶老迷臭香
曬暴斂於葉切 斂尼
薰衣裳非無後秀與孤芳
柰爾千株萬頃
之茫茫天公此意何可量
長教爾輩時節長

紫躑躅

紫躑躅
紫躑躅
紫躑躅
紫躑躅
紫躑躅
紫躑躅
紫躑躅
紫躑躅
紫躑躅
紫躑躅

湘水頭今年夏見青山曲青山山驛名迢迢遠在青山上山高
 水濶難容足願為朝日早相暎願作輕風暗相觸爾躑
 躑我向通川爾幽獨可憐今夜宿青山何年却向青山
 宿山花漸暗月漸明月照空山滿山綠山空月午夜無
 人何處知我顏如玉

山枇杷

山枇杷花似牡丹殷鳥開切潑血往年乘傳過青山正值
 山花好時節壓枝凝艷已全開映葉香苞纔半裂鬢搏
 紅袖欲支頤慢解賀買切絳囊初破結金線叢飄繁蕊亂
 珊瑚朶重纒莖折因風旋落裙片飛帶日斜看目精熱

亞水依巖半傾側籠雲隱霧多愁絕綠珠語盡身欲投
 漢武眼穿神漸滅穠姿秀色人皆愛怨媚羞容我偏別
 說向閒人人不聽曾向樂天時一說昨來谷口先相問
 及到山前已消歇左降通州十日遲又與幽花一年別
 山枇杷爾託深山何太拙天高萬里看不精帝在九重
 聲不徹園中杏樹良人醉陌上柳枝年少折因爾幽芳
 喻昔賢磻溪冷坐權門咽

樹上鳥癸卯

樹上鳥洲中有樹巢若鋪百巢一樹知幾鳥一鳥不下
 三四雛雛又生雛知幾雛老鳥未死雛已鳥散向人間

何處無攫麈。啄卵方可食。男女羣強最多力。靈蛇萬古
唯一珠。豈可杼彈千萬億。吾不會天教爾輩多子孫。告
訖天公天不言。

琵琶歌

寄管兒兼誨鐵山。此後並新題樂府。

琵琶宮調八十一旋宮三調彈不出。玄宗偏許賀懷智。
段師此藝還相匹。自後流傳指撥衰。崑崙善才徒爾爲。
湏聲少得似雷吼。纏去聲絃不敢彈羊皮。人間竒事會相
續。但有卞和無有玉。段師弟子數十人。李家管兒稱上
足。管兒不作供奉兒。拋在東都雙鬢絲。逢人便請送杯
盞。著盡功夫人不知。李家兄弟皆愛酒。我是酒徒爲客

友。著作曾邀連夜宿。中碾春溪華新綠。平明船載管兒
行。盡日聽彈無限曲。曲名無限知者鮮。霓裳羽衣偏宛
轉。涼州大遍最豪嘈。六么散序多籠撚。我聞此曲深賞
竒。賞著竒處驚管兒。管兒爲我雙淚垂。自彈此曲長自
悲。淚垂捍撥朱絃濕。水泉鳴咽流鶯澁。因茲彈作雨霖
鈴。風雨蕭條鬼神泣。一彈旣罷又一彈。珠幢夜靜風珊
珊。低徊慢弄關山思。坐對燕然秋月寒。月寒一聲深殿
磬。驟彈曲破音繁併。百萬金鈴旋去聲玉盤。醉客滿船皆
暫醒。自茲聽後六七年。管兒在洛我朝天。游想慈恩杏
園裏。夢寐仁風花樹前。去年御史留東臺。公私感促顏

不開今春制獄正撩亂晝夜推囚心似灰暫輟歸時尋
著作著作南園花拆萼臘脂耀眼桃正紅雪片滿溪梅
已落是夕青春值三五花枝向月雲含吐著作作施樽命
管兒管兒久別今方覩管兒還為彈六么六么依舊聲
迢迢猿鳴雪岫來三峽鶴唳晴空聞九霄逡巡彈得六
么徹霜刀破竹無磁節幽關鷓鴣軋胡雁悲斷絃砉音號切皮
骨相砉音若又音離聲馬廼同上解冰裂我為含凄歎奇絕許作長歌
始終說藝奇思寡塵事多許來寒暑又經過音如左
降在閒處始為管兒歌此歌此歌寄管兒管兒管兒
憂爾衰爾衰之後繼者誰繼之無乃在鐵山鐵山已近

曹穆間二善性靈甚好功猶淺急處未得臻幽閒努力

鐵山勤學取莫遣後來無所祖

小胡笳引

杜府王推官出蜀匠雷氏金徽琴請姜宣彈

雷氏金徽琴王君寶重輕千金三峽流中將得來明窻
拂席幽匣開朱絃宛轉盤鳳足驟擊數聲風雨迴哀笳
慢指董家本姜生得之妙思忖泛徽胡雁咽蕭蕭繞指
轉轡圓衮衮吞恨絨情乍輕激故國關山心歷歷潺湲
疑是雁鷓鴣音關提砉如聞發鳴鏑流宮變徵漸幽咽
別鶴欲飛猿欲絕秋霜滿樹葉辭風寒雞墜地烏啼血
哀絃已罷春恨長恨長何恨懷我鄉我鄉安在長城窟

元集 卷二十六 四
聞君虜奏心飄忽。何時窄袖短貂裘。臙脂山下學明月。

去杭州

送王師範

房杜王魏之子孫。雖及百代爲清門。駿骨鳳毛真可貴。

崗頭澤底何足論。

近世不以勲賢之胄爲令族而以崗盧澤李爲甲門

去年江上

識君面。愛君風貌情已敦。與君言語見君性。靈府坦蕩

消塵煩。自茲心洽跡亦洽。居常並榻游並軒。柳陰覆岸

鄭監水。李花壓樹韋公園。每出新詩共聯綴。閒因醉舞

相牽援。時尋沙尾楓林夕。夜摘蘭叢衣露繁。今君別我

欲何去。自言遠結迢迢婚。簡書五府已再至。波濤萬里

酬一言。爲君再拜贈君語。願君靜聽君勿喧。君名師範

欲何範。君之烈祖遺範存。永寧昔在掄鑒表。沙汰沉濁

澄浚源。君今取友由取士。得不別自清與渾。昔公事主

盡忠讜。雖及死諫誓不諉。今君佐藩如佐主。得不陳露

訓所恩。昔公爲善日不足。假寐待旦朝至尊。今君三十

朝未與。得不寸晷倍瓊璫。昔公令子尚貴主。公執舅禮

婦執笄。返拜之儀自此絕。關雎之化皎不昏。君今遠娉

奉明祀。得不齊勵親蘋蘩。斯言皆爲書佩帶。然後別袂

乃可捫。別袂可捫不可解。解袂開帆悽別覓。覓搖江樹

鳥飛沒。帆挂檣竿鳥尾翻。翻風駕浪拍何處。直指杭州

由上元。上元蕭寺基址在杭州潮水霜雪屯。潮戶迎潮

擊潮鼓。潮平潮退。有潮痕。得得爲題羅刹石。古來非獨
伍員冤。

南家桃

南家挑樹深紅色。日照露光。看不得。樹小花狂風易吹。
一夜風吹滿墻北。離人自有經時別。眼前落花心歎息。
更待明年花滿枝。一年迢遞空相憶。

志堅師

嵩山老僧披破衲。七十八年三十臘。靈武朝天遼海征。
宇宙曾行三四匝。初因快快剃却頭。便繞嵩山寂師塔。
淮西未返半年前。已見淮西陣雲合。

荅子蒙

報盧君。門外雪紛紛。紛紛門外雪。城中鼓聲絕。強梁御
史人。覷步安得夜開沽酒戶。

辛夷花

問韓員外

問君辛夷花。君言已班駁。不畏辛夷不爛開。顧我筋骸
官束縛。縛遣推囚名御史。狼籍囚徒滿田地。明日不推
緣國忌。依前不得花前醉。韓員外家好辛夷。開時乞取
三兩枝。折枝爲贈君莫惜。縱君不折風亦吹。

廳前栢

廳前栢。知君曾對羅希夷。我本癡狂耽酒人。何事與君

為對敵為對敵洛陽城中花赤白花赤白囚漸多花之
赤白柰爾何

夜別筵

夜長酒闌燈花長燈花落地復落床似我別淚三四行
滴君滿坐之衣裳與君別後淚痕在年年著衣心莫改

三泉驛

三泉驛內逢上巳新葉趨塵花落地勸君滿盞君莫辭
別後無人共君醉洛陽城中無限人貴人自貴貧自貧

何滿子歌

張湖南座為
唐有熊作

何滿能歌能宛轉天寶貞年中世稱罕嬰刑繫在囹圄間

下調哀音歌憤懣梨園弟子奏玄宗一唱承恩羈網緩
便將何滿為曲名御譜親題樂府纂魚家入內本領絕
葉氏有年聲氣短自外徒煩記得詞點拍纔成已夸誕
我來湖外拜君侯正值灰飛仲春瑄廣宴江亭為我開
紅粧逼坐花枝暖此時有熊蹋華筵未吐芳詞貌夷坦
翠蛾轉盼搖雀釵碧袖歌垂翻鶴卵定面疑眸一聲發
雲停塵下何勞筭迢迢擊磬遠玲玲一一貫珠勻款款
犯羽含商移調態留情度意拋絃管湘妃寶瑟水上來
秦女玉簫空外滿纏綿疊破最慙慙整頓衣裳頗閒散
冰含遠溜咽還通鴛泥去聲晚花啼漸嬾斂黛吞聲若自

元集 卷二十六
宛鄭袖見捐西子浣陰山鳴雁曉斷行巫峽哀猿夜呼
伴古者諸侯饗外賓鹿鳴三奏陳圭瓚何如有熊一曲
終牙籌記令紅螺盃

通州丁溪館夜別李景信三首

月蒙蒙兮山掩掩束束別竟眉斂斂蠡玳阻限覆時天
欲明碧幌青燈風濼濼以陝切淚消語盡還暫眠唯夢千

山萬山險

水環環兮山簇簇啼鳥聲聲婦人哭離牀別臉睡還開

燈炮似也切

暗飄珠菽菽山深虎橫館無門夜集巴兒扣

空木

雨瀟瀟兮鵲咽咽傾冠倒枕燈臨滅倦僮呼喚應於京切
復眠啼雞拍翅三聲絕握手相看其柰何柰何其柰天
剛別

酬鄭從事四年九月宴望海亭次用舊韻

海亭樹木何籠葱寒光透圻秋玲瓏湖山四面爭氣色

曠望不與人間同一拳壘伏東武小龜山別名兩山鬪構秦

望雄兩峯為秦望望秦二山嵌空古墓失文種墓在州城西山上圖經湖水到山迎

棺柩入海今所存古穴耳骨兀怪石疑防風舟船駢比有宗侶水雲

滄泱無始終雪花布遍稻隴白日脚插入秋波紅興餘

望劇酒四坐歌聲舞豔煙霞中酒酣從事歌送我歌云

元集 卷二十六
此樂難再逢。良時年少猶健美。使君况是頭白翁。我聞
此曲深歎息。唧唧不異秋草蟲。憶年十五學構厦。有意
蓋覆天下窮。安知四十虛富貴。朱紫束縛心志空。粧梳
妓女上樓榭。止欲歡樂微茫躬。雖無趣尚慕賢聖。幸有
心目知西東。欲將滑甘柔藏府。已被鬱噎衝喉龍。君今
勸我酒太醉。醉語不復能冲融。勸君莫學虛富貴。不是

賢人難變通。

一本富貴不是賢人通

元氏長慶集卷第二十六

林登龍刻



